

下  
冊

麻字  
投贈

學校  
諧謔

會館  
諺語

戲臺  
雜綴

雜題

古  
今  
聯  
語  
彙  
選  
三  
集

商  
務  
印  
書  
館  
發  
行



污損滄

勿超

武進胡君復編輯

古今聯語彙選三集

冊 下

麻宇學校會館  
戲臺雜題投贈  
諧諺語雜綴

商務印書館發行

民國二十一年一月二十九日  
 敝公司突遭國難總務處印刷  
 所編譯所書棧房均被炸燬附  
 設之涵芬樓東方圖書館尙公  
 小學亦遭殃及盡付焚如三十  
 五載之經營墮於一旦迭蒙  
 各界慰問督望速圖恢復詞意  
 懇摯銜感何窮敝館雖處境艱  
 困不敢不勉爲其難因將需用  
 較切各書先行覆印其他各書  
 亦將次第出版惟是圖反裝製  
 不能盡如原限想荷  
 鑒原謹布下忱

上海商務印書館謹啓

## 版 權 所 有 翻 印 必 究

中華民國九年十二月初版  
 民國廿二年五月印行  
 國難後第一版

(六四四)

古今聯語彙選三三冊

每部定價大洋陸角

外埠酌加運費匯費

本書減去售價五分

編輯者 胡君復

發行者 上海河南路商務印書館

發行所 上海及各埠商務印書館

廡宇

乾隆初山東徐公士林開府吳中嘗設宴滄浪亭

款待士紳教民節儉門懸一聯云門前對滄浪

之水座上迥先生之風堂聯云

三秋剛報賽休辜美景良辰請先生閑談

談問地方上士習民風何因何革 五簋

可留寶何用張燈結彩教百姓都看看想

平日間競奢鬪靡孰是孰非

薛太守書常題蘇州貢院聯

文教開言子曰學道曰愛人願諸生無忘

所本 鄉賢式范公為名臣為循吏從此

地先植厥基

閩縣王可莊殿撰仁堪守潤州於郡齋東偏隙地

古今聯語彙選三集 廡宇

小有結構竹籬茅舍楚楚可觀其同鄉孝廉葉

臨恭明府大莊贈以聯云

郡齋讀書借官地二畝 江城如畫看煙

樹萬家

又可莊太守自署府廡宅內門聯

西園翰墨 北府旌旗

上海縣署中有亭曰抱影山陰沈寶昌聯云

漫將詩酒酬功業 喜有鶯花是部民

崑山試院聯

德行本焉文藝末焉當先本而後末 實

勝善也名勝恥也宜責實以循名

周沐潤宰常熟時榜一聯於縣門云

五日風十日雨歲乃常熟 九年耕三年

食民其姑蘇

無錫縣署聯

有吳地肇江南大 無錫人歌天下清

李紫璈師超瓊題江陰縣署聯

帝澤如春看庭前草色蔥蘢願境內都含  
斯意 江城入畫聽郭外潮聲濟滄疑民  
間尙有不平

南通縣前清爲直隸州光復後改爲南通縣縣前

建大鐘樓一高十餘丈張耆老聯云

昔日是州今是縣 江淮之秀海之壩

徐州府署聯

逞着性子這裏來官雖恕法不恕 留點

功夫那頭幹耕固高讀尤高

咸同間知府周蕪作

徐淮生代某君題淮北運署臬園聯

羣樹合參天更兼入座花開長使名園留  
勝蹟 萬方正多事只此一官匏繫不知  
何術對蒼生

長沙徐定生先生以大挑出知贛榆題縣署二門

聯云

我亦知才力無多重門洞開期使下情毋  
壅 爾各以身家自保百事惟忍勿因小  
忿輕來

山陽縣署聯

不食民一粟不受民一錢乃吳隱之爲太  
守 先天下而憂後天下而樂是范文正

做秀才

廣東學署聯

越以南一大州極文犀生翠之瑰奇林映  
泉迴乍可囊攜雙硯北 海於地爲巨浸  
看貝氣珠光之煥發物浮水盛敢云首障  
百川東

廣州督署廣益堂爲張文襄督粵時幕僚治事之

所文襄題聯云

職事無荒不煩士行擣菹誠 功名接武

同韻揚州芍藥花

又署內書齋聯

居敬行簡可使南面 爲政以德譬如北  
辰

古今聯語彙選三集 麻字

又聯

不犯秋毫岳武穆 能寒夏膽范希文

曹伯諤君爲寶安縣署中各聯俱嵌入寶安二字

頗見自然茲錄數聯於左

寶善親賢嘗奉教君子 安民和衆請從

事斯言

又聯

寶氣衝霄把劍思將奸宄靖 安仁作縣

栽花不覺訟庭閒

又聯

失德由寵賂章昔賢以不貪爲寶 得情  
存哀矜意吾心因無枉而安

又聯

縱橫百里比古諸侯惟此土地人民政事  
是寶 南北一家屬今衆望願爾父子兄  
弟夫婦俱安

許賓衢廉訪能以文雅飾吏治重修廣西臬署題

四照山房聯云

嶺外費經營獨秀峯前虧簞易 廬中論  
事業孔明臺畔結鄰難

又唾綠亭聯

從星巖風洞而來別開生面 於月榭雲  
窗以外高置此身

楊鹿生明府丹壽題廣西陽朔縣花廳聯

故鄉無此湖山看象嶺霞蒸鶴塘雲淨  
今夕只談風月趁楓絲春脆桂蠹秋肥

嘉興王部昀甲榮題富川縣署二堂聯

好民所好惡民所惡 寧人負我毋我負  
人

柯遜庵題陝西學使署聯

結習未忘袖中攜一卷離騷美人香草  
觀風所至天外見三峯落雁玉女蓮花

閻文介公代某君題鳳翔縣大堂聯

我若賣法腦塗地 爾敢欺心頭有天

楊蘇父先生題西安武閣聯

漢代徙豪傑實關中迄今汧渭遺風猶稱  
雄武 國家以弧矢威天下願得干城偉  
略上應旁求

又聯



三輔故多才 駟鐵雄風猶近古 八荒今  
無事羽林衛士盡通經

又題沔縣公廨聯

毋博寬大名去害馬乃能牧馬 敢云清

白吏唯嗜魚故不受魚

又集石鼓字聯

天然河北好山水 我是關西真子孫

又題漢中權局聯

握算愧非長惟自勵一腔冰雪 牽車來

不易要多留幾點脂膏

又題權局客室聯

入芝蘭室久而不覺 去關市征今茲未

能

又聯  
尚有題襟遺韻在 不妨監稅載書來

又題權局大門聯

釐姓遺我 金玉其相

漢書劉向傳引詩來麤作釐姓

南通顧姓谷曾烜題宜君縣署大門聯

左馮翊要衝通南道北道袤九十里而遙

行旅出其塗商賈藏其市 古昇平樂國

統上城下城暨卅五社之衆農夫怵於野

官吏慶於庭

又題二門聯

茲乃漢晉時設羽雲鵬故區繡錯綺交久

拓封疆三輔重 昔爲鄜坊間護軍刺史

要職經文緯武莫嫌令長一官卑

又題大堂聯

揆度衆情以宜吾民保障繭絲或者孱區  
成沃壤 被服儒術而君斯邑刀筆筐篋  
將毋俗吏勝經生

又題二堂聯

宜樹藝宜畜牧蕞爾之國洵壯哉縣也  
君百里君下民眇焉此軀亦能其官乎

又題三堂聯

金鎖雄圖資筦鑰 玉華爽籟起笙竿

金鎖關在同官出關即界縣境玉華宮在縣境唐

太宗辟暑於此

又題內宅聯

左宜右有 上君下民

又題花廳聯

每見桑麻心輒喜 但逢冰雪氣常溫

又題幕寮聯

斯是陋室 我有嘉賓

又題耀州署大門聯

屏侯周甸服 節鎮宋軍州

又題儀門聯

郡以鑑山有光得名或稱宜州崇州輝州  
北雍州輿志具存控馭朔方資鎖鑰 地  
於井宿所次爲域繫若傅氏柳氏梁氏令  
狐氏人文迭起爭衡上國蔚冠裳

又題大堂聯

惟茲夙稱北地郡通州郡宜君郡道當慶  
延之衝屹然大邦錯繡允爲三輔最 自  
昔洊升刺史州團練州節度州位在守令  
以上沿及今日剖符猶視列侯尊

又題二堂聯

北雍峙雄州在昔爲左輔屏藩六城師帥  
東邠稱沃壤至今有成周風土七月詩  
篇

又題三堂聯

縣譜作州書好評量而野耕桑滿城煙樹  
公餘庀家事尙檢點過庭詩禮酬世文  
章

又題花廳聯

古今聯語彙選三集 廟宇

北地官仍遷北地 崇州人又官崇州

原跋吾通曰崇州耀於五季魏寘北地郡於此元  
魏時徙治宜君宜故北地余以通產自宜邑移牧  
斯州故云

又聯

左輔斗辟州內富外同曾以茲爲旁縣長  
昔賢過化地先憂後樂須知我亦秀才  
官

富平同官舊隸耀州明喬三石州志二縣附焉范  
文正嘗以戶部員外郎知耀州

又題二堂東廊聯

蘓石未能殊俗尙 彈毫不覺現神通

原注云譚真君龜蛇二字碑字各徑尺許如其形

居人奉爲鎮宅符舊在五台山日事響揚頗著靈

異移置署儀門今又移此

又題四堂聯

川媚山輝看二水灤洄諸峯羅列 年豐

歲稔有四城供億百里謳歌

又題內宅聯

施於有政是亦爲政 宜其家人而后教

人

又題內院門聯

還期出谷遷喬木 且喜開門見遠山

又題禮泉縣署大門聯

剛柔輕重遲速異齊若作酒醴 康樂和

親安平爲一達於淵泉

又題儀門聯

萬靈明廷敷於周谷於秦邑於漢郡於晉  
至隋開皇乃有今縣 三輔沃壤巉之南  
泚之北邠之東鎬之西在左馮翊實爲衝  
區

又題大堂聯

立縣一千三百年曰赤畿曰冲煩實兼有  
温秀寧夷二境 轄地五衛十八里爲繭  
絲爲保障要無慙原涉杜軫諸人

又題二堂聯

選學官童子使坐受事免其更繇次補孝  
弟力田使傳教令 召郡中長老設酒具  
食問以謠俗爲陳和睦親愛銷除怨咨

又聯

下官由北地量移彼郡高門好我每談理  
縣譜 舊治與西都密邇昔賢遺澤逢人  
為誦諭蒙書

傅氏華原右族南北朝傅僧祐父子為山陰令並

著循績世傳諸傅有理縣譜華原今耀州也 唐

馮伉為醴泉令縣多鬪猾數犯法伉著諭蒙書十

四篇鄉鄉授之轉相教督

又題二堂聯

當官理任判斷為樂 典城臨民謗譽所

騰

又聯

理財正辭公私治辦 清身潔己內外輯

古今聯語彙選三集 廡宇

和

又題花廳聯

問十孝四義六仲各里所疾苦所便安坦  
然相見 與九嶼五牀三陽諸山若將迎  
若拱揖快哉斯遊

又聯

響答詩筒電掃庭訟 晝了公事夜接詞

人

又題內宅聯

略嘗宦味如彭澤 恰稱家風是建康

顧憲之令建康甚得民和京師飲酒者得醇旨輒

號為願建康

又聯

九

躋彼公堂爲酒爲醴 出自幽谷我池我

泉

又題內宅聯

含甘吮滋且以酌醴 息深達壺如彼流

泉

又聯

心氣和平味言若醴 文章爾雅誦思爲

泉

又題署內廚房聯

莫畏爾多言與青州從事爲緣香濃旨醴

如使予欲富有白水真人在此光溢肥

泉

又題上房神龕聯

民和年豐奉粢盛奉酒醴 家給人足掌  
財幣掌貨泉

又題邵陽縣署大門聯

立國唐虞三代而上風流標映如元聖躬  
耕先賢講授彬彬尙已至近世則歸善吳  
興黃湄太乙官師人物焜耀一時屹此大  
邦每企前徽後起 畫畫秦晉兩省之  
交形勢夙成有梁山屏蔽金水灌輸鬱鬱  
佳哉其四鄉曰西河萬安常豐仙宮圖甲  
村坊膏沃百里眇茲小宰要從短馭見長  
材

又題儀門聯

自殷周以來屹然大邦梁山外屏遠攬汾

晉黃河內灌交匯金徐卽一官一邑畫野  
宅師形勝如故也 當參井之分卓彼前  
哲保衡先正誕靈空桑文學眞儒傳經石  
室蓋昔聖昔賢牖民覺世風教固殊焉

又題大堂聯

拓畱馮翊以西屬國罷侯佳氣遙連秦內  
史 接壤汾睢之上乘輿望幸神光直指  
漢中都

又題二堂聯

不才係明德後人溯妣后宗盟周之於越  
商之有莘異代尙稱同姓國 臣里鄰文  
學舊里播孔門風教南則言子西則卜氏  
大家都有本經師

又題花廳聯

剛日讀經柔日讀史 閒居言禮燕居言  
詩

又聯

要使春華資殿最 尙留花草啟童蒙

陝垣四關並設釐稅局東關尤衝劇光緒戊子

南通顧姓谷曾烜膺斯役歲杪又題聯於局

門云

右界襄隴左據函嶠表山帶川橫被六合  
東市齊魯南賈荆楚闐城溢郭旁流百  
塵

又題宅門聯

錙銖釐毫習算博士業 第宅臧獲猶儒

先生家

又題客堂聯

臣門如市臣心如水 今人與居古人與

稽

又題門房聯

投刺當關毋選事 典籤記室要知書

宜君一縣每屆三年學使者按試北山往來必

過此塗澤館舍以備一夕之衛其南曰烈泉

北曰偏橋各距縣三四十里亦為之供張戴

星奔命碌碌數日乃已南通顧姓谷會烜又

題其大門聯云

斗辟一方金鎖啓關趨殿祔 皇華五善

繡衣行部駕軒輶

又題大廳聯

其人如景星慶雲快爭先觀 此地有崇

山峻嶺暢敘幽情

又聯

神爵昔年祠泰壹 征驂一路入昇平

又題兩配房聯

夙駕每瞻東井宿 獨賢應賦北山篇

耀州為北山首程輶傳送迎猶宜君也惟館宇

軒敞賓徒憩息非夫穴處而無屋者且免中

途供具之費南通顧姓谷會烜又題其大門

聯云

四牡皇華古之膚使 五原上郡茲焉首

塗



又題二門聯

炎序急王程儘蒐羅絕代輔軒朔方千籥  
偏州開候館且領略五臺檜柏二水菰

蒲

又題大堂聯

自昔輔軒重職必簡嚴徐東馬侍從清班  
懷荒振遠於外 惟茲祀祔故區上通榆  
綏延鄜衝辟要道問俗采風其間

又題花廳聯

三輔紀郵籤北地郡分古內史 九天明  
使節南華經有大宗師

又題內宅聯

原濕駢征小雅詩人勞跋涉 橋門鶴望

古今聯語彙選三集 廢字

北方學者待甄陶

又題幕寮聯

琢壁披金蔡復一致賀學道啟 括羽錦  
績劉孝漑監策秀才詩

醴泉嶮南書院東側號舍鱗次為歲科童試之

所南通顧姓谷會烜又題其大門聯云

錦績括羽瓌寶畢至 冰壺玉尺織塵弗  
汗

又題大堂聯

立鶴盡英雄入殼早符唐帝語 噉鸞無  
小大觀旂都誦魯侯詩

又堂柱聯

曾是昔年辛苦地 安得廣廈千萬間

十三

古今聯語彙選三集 廨宇

郤邑斗辟軒蓋甚稀惟本郡太守行部往來信

宿治辦如儀南通顧姓谷會烜又題聯云

望隆漢代二千石 惠普梁山廿四峯

又聯

十屬拊循熊畫戟 萬人歌祝雀銜環

又聯

槩戟遙臨檐帷暫駐 街衢洞達疆場綺

紛

又聯

周道賦駢征方國風言陳史氏 偏區停

騎從野田星駕趣信人

四川兵工廠門聯

兵不在多攻心爲上 工欲善事利器必

先

鈕傳善題德陽警察署聯

警爾頑民有恥且格 察於上下防患未

然

成都將軍入都祝嘏楊蘇父先生題其行署聯云

松州舊領殿前軍克奏膚公入覲帝城雙

鳳闕 桃實新開天上宴欽承手詔同稱

王母九霞觴

徐琴舫學士題鄴都考棚大門聯

舉一人焉拔其尤是鸚薦之初漫云小試

行千里者始於近聽鹿鳴在後當有奇

材

縣後有鹿鳴寺即東坡聽鹿鳴處也

又題看卷房聯

醒眼辨丹黃曾記當年辛苦否 輕心違  
黑白其如後世子孫何

清苑樊蔭蓀榕代許紫純方伯題四川藩署內乃

園三百梅花山館聯云

漫說梅花三百樹不見放翁料月白風清  
也要化身千億 試向錦江萬里橋來尋  
工部問秋光春色可能讓我幾分

又聯

此是荔裳百梅亭舊基况一壑一邱又從  
秦樹蜀山攜來粉本 恰與上谷古蓮池  
相似對斯臺斯榭更覺荷花秋水動我鄉  
情

古今聯語彙選三集 廡宇

又聯

對風月累千觴與君今夕傾談借箸預籌  
天下事 拓園林十數畝無論明年何處  
栽花先釀萬家春

乃園爲嘉慶間楊荔裳任川藩時所築光緒甲辰  
許紫純由陝藩移蜀重葺斯園補種梅花三百樹  
并於園北隙地鑿池栽蓮其風景與保定元張柔  
古蓮華池頗相似

張廣楠題酉陽州署清舫亭聯

二酉舊藏書訪巖洞遺蹤斷簡已無人宛  
在 一琴新治譜看山川生色憑欄遙見  
鶴歸來

善化張廣楠題秀山縣署門聯

十五

此邦亦號成都四面雲山開沃野 勝地  
舊名高秀一江春水繞邊城

楊建屏集句題涪州學署瞰江樓聯

二分明月二分水 半入江風半入雲

四川某縣麻聯

花縣有春琴鶴靜 青天不夜斗牛高

瀘縣劉珊洲司訓樂山署中海棠甚盛家有荔枝

數百株因題齋聯云

海棠香國世界 荔枝紅處人家

登州王幼海太守題雲南麗江府大堂聯

曾聽說八千里外壤接吐蕃處處盡革囊

古渡從幾時潛消煙瘴乃覺得山堆玉屑

水擁金沙點綴些疙鳥蠻花居然佳麗憑

誰去臨池潑墨能把這邊域五城風俗都  
知與佛國爲緣並熬茶以乳啞酒以竿取  
作詩材另寫出一番境界 若論到數百  
年前家鄰洱海區區亦滇澤蒼生喜今茲  
漸遠狂獠無非是雪裏刀耕日中襁負吹  
打着蘆笙銅鼓共樂昇平惜我來借箸獻  
籌纔辨明郡志九種夷人竟遺却龍巴未  
紀如民曰伴先官曰率選略諳土語已拋  
將兩載工夫

吳悔晦先生代唐啓虞題雲南高等審判廳聯

世界三權法亦特權獨立示尊嚴竊願後  
有來者 西南諸國滇爲大國百城忝表

率相期下無冤民

凌孟靜孝廉鶴堂 河南馮都轉船廳聯

南雪孝元歸里宅 西風王濬泊樓船

郭次虎方伯備兵榆林時題菜圃小亭聯

筍瘦菱肥無限天機憑管領 蓼辛荼苦

者番風味耐平章

熱河無城郭四面皆山崇文正公綺任都統時題

聯云

四望雲山成壁壘 小栽花木驗農桑

唐薇卿官臺灣時題解署聯

安得廣廈萬千種竹權爲留客地 倚偏

回欄十二惜花仍是愛才心

胡文忠題釐金局聯

天子何忍傷民財因小醜猖狂擾茲守土

古今聯語彙選三集 廨宇

地丁不足濟軍餉願大家慷慨輸此釐

金

丹徒戴潤鄰太守槃題府署二堂聯

居一日官盡一日心無怠無荒當思於物

有濟 治百姓難愛百姓易同好同惡惟

在強恕而行

李勣臣太守題大堂聯

作官當守官箴便留十分神也怕我忙中

錯了 保民須求民隱偶試三尺法要替

他堂下想來

鮑雲韶官某縣令衙齋西有蓮塘建亭榕陰下瀕

行留題云

蓮社初開把酒且邀今日醉 萍蹤靡定

十七

種花留待後人看

某邑產茶處萬山中蘇元璐集蘇句題邑署廳事

聯云

細雨足時茶戶喜 萬山深處長官清

傅猷著題縣署法廳聯

我也不會做官積半點陰功減些罪惡  
你們何須告狀留幾貫錢鈔貽於子孫

某縣署聯

爲親民官何以克勤厥職 行快心事但  
求無愧於天

又聯

爲委吏矣爲乘田矣從大夫之後 有民

人焉有社稷焉非諸侯而何

學校

清聖祖題國學聯

金元明宅於茲天邑萬年今大備 虞夏

殷闕有間周京四學古堪循

福州府學門聯

方千里育賢之地 第一重入聖之門

婺源江湘嵐峯青宰嘉善時題學宮仰高亭聯云

經之以文水緯之以武塘破浪乘風大有

魚龍紛變化 上不負天子下不負所學

讀書論世睠懷山斗倍流連

文武塘二水名在學宮內下聯用此邦先哲陸

宜公語

泰興學宮明倫堂聯

古今聯語彙選三集 學校

學以致道致堯舜禹湯文武周公孔子之  
道 堂以明倫明君臣父子夫婦昆弟朋  
友之倫

婺源江湘嵐峯青宰嘉善時題明倫堂聯云

瑞曜應三台果然彩徹雲衢巽舍文光齊

射斗 皋比分片席笑指門盈桃李河陽

手植幾經春

原注云時予兼理學事

王湘綺題東洲船山書院聯

海疆歸日啓文場須知回鴈傳經南嶽萬

年扶正統 石鼓宗風承宋派更與重華

敷衽成均九奏協簫韶

又題確山銅川書院聯

文武繼諸周好爲汝南增月旦 弦歌開

廣廈定因言偃得澹臺

程頤萬題湖南嶽麓書院門聯

納於大麓 藏之名山

新化周芍衫延俊題船山書院聯

講席鎮名山匯通漢宋諸儒東下江河資

保障 遺書垂道統坐到春秋佳日南來

鴻雁助弦歌

又題石鼓書院聯

是七二峯雄備所鍾看砥柱中流莫但賞

青草烟痕朱陵石蹟 溯卅六灣波濤而

上聽鼓歌五夜應不減船山燈影嶽麓書

聲

周春華題文山書院聯

漠地擁高臺過仙洲第二灘平分片席吟

風月 晚唐多秀士讀石室五千卷別有

新詩上相公

陳寶琛題觀文書院東廊聯

春來賞雨秋延月 曉起劉桑夜課蠶

跋云幼時讀少信師衛園記所望於鄉者甚厚今

則樹桑養蠶如師指矣研忱表叔就閣東穿牖設

坐以爲勸課之所屬爲題楹喜而書此

慈利吳悔晦先生題兩谿書院聯

兩山之間時生雲氣 谿水無盡曲似文

心

又題德山書院聯



德鄰古善卷 山勢小桃源

夏觀川太史力恕題漢口紫陽書院聯

到南渡後誰知孔聖人尙存卽今日仰廟

貌於黃鶴樓前無非是秋陽江漢 便北

朝中也問朱先生安在想當年寄學規於

白鹿洞口何處尋汴水錢塘

呂氏涇濱書院在廣州南海學宮之側有門聯云

爲王者佐 近聖人居

何秋槎太史題韓山書院聯

五載賦棲遲看桑海婆娑南珠正媚 三

山憶儔侶願天風鼓盪北斗常依

又鍾遇賓聯

好古偶疑鸚鵡字 登高常記鳳凰詩

古今聯語彙選三集 學校

韓祠有韓公鸚鵡賦碑字翁覃溪學士釋之又韓

江有鳳凰臺

戴醇士侍郎熙題白雲書院聯

疑是鄉嬛別有洞天開世界 曾經滄海

不如泉水在山中

劉嘯園先生云院在西樵白雲洞口侍郎督學粵

中遊樵留題詞旨澹遠真不食人間煙火者侍郎

殉節時賦絕命詩有句云撒手白雲堆裏去從今

不願到人間其人其文均堪不朽矣

李石農觀察題永嘉中山書院康樂堂聯

吾人歌詠慚康樂 自古江山說永嘉

婺源江湘嵐峯青宰嘉善時題魏塘書院聯

數間廣廈隨時局變遷自萃古樓就荒僅

留得一片紫雲往迹何堪譚劫火 幾度  
論文與諸君小聚仿梅花亭故事適飛下  
千年老鶴回翔猶誤聽羲經

原注云書院舊在城南有萃古樓供紫雲石一座

後圃梅花亭爲明儒李荊陽講易處洪楊之役毀

於兵邑紳得城北隅曠宅改葺之而移石於此爲

題楹帖以識今昔之感云

又題楓溪書院聯

結習笑吾曹與諸君把酒論文綠蟻尊中

浮竹葉 清風留里社訪令舉先生故宅

白牛涇上徧桃花

又題斜塘書院聯

星火數漁莊文水一泓蕩漾光芒齊射斗

雲

雨華霏雁塔法輪千佛標題名士共梯

原注云文水漾在書院南雁塔寺在書院西北

江西上饒王溫如集句題廣信府信江書院內一

榻軒聯云

翠幔朝開珠簾暮捲 濁醪夕引素琴晨

張

原注云東坡詩素琴濁酒客一榻下聯引用成語

却暗合東坡詩意

院內有文起樓以木根鐫魁星像祀之王溫如

句題聯云

酒仙詩佛同千古 沈寶銀 月色江聲共

一樓陶 雍

又集句題院內樂育堂聯

琢質繡章國之良幹 攬英接秀世有令

名

又集句題院內春風亭聯

春能蘊藉如相識 風入襟懷只自知

又聯

蝶銜紅蕊蜂銜粉 李商隱 花有清香味

有陰 蘇軾

又集句題院內經訓堂聯

文章開突奧 杜甫 經訓乃菑畲 韓愈

又聯

仰誦堯舜言俯遵周孔轍 陸龜蒙 游思

竹素園寄辭翰墨林 張 協

古今聯語彙選三集 學校

某君題雲南大理書院涼亭聯

三面橋通四面水 一池魚戲半池蓮

又聯

長懷沂水春風樂趣 宜有投壺雅歌人

來

王湘綺集張左句題四川尊經書院聯

考四海而為嵩 緯羣龍之所經

勞辛階尚書崇光題西陽龍潭書院聯

黃卷青燈結習難忘到此地暫停使節

墨池蔬圃流風未泯願諸君遠紹前型 墨池

蔬圃本黃山谷遺蹟 原注時赴雲貴任道經四川留題

萬縣蠶桑學校為前清白崖書院尚遺一聯相傳

為趙翼之大史尚輔所撰甚為貼切移掛他處

不得也聯云

此地自黃庭堅奉詔東歸南浦西山故里

早鍾名士氣 相傳是李太白讀書遺址

錦心繡口諸君誰繼謫仙才

張棠本太守題瀘縣鶴山書院聯

鳴鶴在陰回思春夢一場捧檄昔曾騎鶴

去 高山仰止笑說清風兩袖授書今又

入山來

原跋余曾肄業鶴山書院由選拔撥京職掙禮闈

一麾出守騎鶴揚州恩惠三十八年祇同幻夢耳

今番致仕入山講學徘徊几席風景依然遂感而

爲此聯

魏了翁講學之區鶴鳴子和 尹伯奇撫  
琴於此山高水長

注云相傳尹伯奇爲瀘人並載縣志有撫琴台遺

跡學使嘉慶時錢塘人

榮昌敖比部題川南書院聯

居今仙人白玉堂小子勉之好與文昌儲

將相 名魁多士黃金榜吾道南矣莫將

溫飽負平生

注云書院由文昌宮改建比部時爲院長光緒壬

午科有中魁選者

李匯川廣文守制講學題麗澤山房聯云

以吾從大夫後 有朋自遠方來

遵道而行學者必以規矩 誨人不倦煥  
乎其有文章

杭州西湖敷文書院有集句聯云

四時之樂具在於此 六藝之義不盡於  
斯

贛州濂溪書院聯

我生近聖人居教澤如新敢忘魯壁金絲  
尼山木鐸 此來繼賢者後風流未泯竊  
願士崇禮義俗尙弦歌

贛州陽明書院聯

薪傳本孟氏七篇吾道不孤況此地曾留  
手澤 梓里溯姚江一派典型未泯與諸  
君同熱心香

古今聯語彙選三集 學校

金陵鍾山書院今為省立第四師範學校中有一  
聯為番禺陳澧掌教鍾山書院時所作聯云

博學於文 行己有恥

又聯

山水崖谷有以自老 道德文章多從之  
遊

又嚴貫公聯

舊蹟重新產生幾輩英才來從劫後 古  
人長往猶有六朝山色青到窗前

又聯

最難我輩少年時莫放餘閒好料量秋冬  
干戈春夏籥樂 此是古人讀書處且尋  
芳躅須記取司馬論史公羊傳經

宿遷鍾吾書院聯

岱爲四岳之宗自梁父云亭以來經臯繹

龜蒙磅礴馬陵岡上秀挺三台應放登山

眼孔 河乃百川並灌由崑崙積石而下

合汴沂淮泗逶迤宿預城邊瀾迴九曲宜

尋學海心源

無錫惠山紫陽書院聯

可以居高明遠眺望 是能說禮樂敦詩

書

李紫璫師題武進雪堰橋道南書院聯

春和讀法冬旭飲賓觀於鄉知王道易易

爾 淳水謳謠夫椒弦誦登其堂喜諸生

彬彬然

董其昌題無錫東林書院聯

得其門而入 不可階而升

陳星垣題宜興蜀山東坡書院饗堂聯

先有薄田給饘粥 敢期擇地望桑榆

原跋云道光四年余守銅山乃文忠公爲刺史地

七年來宜興又公買田陽羨地茲調長洲亦公宦

游所嘗及者公詩云出處依稀似樂天公於樂天

固有合也余何敢望公惟所莅處均獲訪公遺蹟

拜公遺像亦生平之奇遇矣爰輯公疏中二語勝

之饗堂以見公之清節並以自勗云

又唐仲冕聯

何必木奴千頭但楚頌亭成香滿洞庭皆

逸興 本無郭田二頃況荆溪船入山懷

西蜀卽前緣

唐楚人東坡客宜興特以此山似蜀名曰蜀山並  
擬築楚頌亭買田種橘於此

又張綬組題西廡聯

挹先生趣可醫吾俗 對此山面有如水

清

又題後樓聯

事去物無象 神超興有餘

寶山西郭外有別墅曰西壇爲鄉先生講學之地

金履祥題聯云

知致而意誠治國齊家大學在自新其德  
修身則道立高明博厚至誠固悠久無

疆

古今聯語彙選三集 學校

五華書院聯

魚躍鳶飛活潑潑地 日華雲爛糺縵縵  
天

潘勁庵孝廉本藥代撰棉州書院聯

沙螺堡環處千家州有序黨有庠於斯地  
春誦夏弦母安固陋 白鵝潭汪洋萬頃  
澄不清淆不濁願諸君礪名砥節式是儀  
型





# 會館

李笠翁題維揚會館聯

一般作客誰無故土之思喜常來此地會  
會同鄉也當買舟歸潑水 千里經商總  
爲謀生之計待他日還鄉人人滿載不虛  
跨鶴上揚州

阮文達題北京菜市口揚州會館聯

二千里遠引江淮凡甲乙科同在中朝皆  
敦鄉誼 尺五天近臨韋杜當己未歲重  
新上館更啓人文

跋云嘉慶四年三月己未朔儀徵阮元撰書 此

爲江都甘泉儀徵三邑旅京士子所居故稱揚州

上館後因高郵寶應諸邑頗有違言遂改上館爲

古今聯語彙選三集 會館

老館而別建新館於珠巢街云

又儀徵陳亦舟中丞聯

得地九衢中到此應知故鄉事 成陰十  
年後可能還憶種花人

跋云同治壬申癸酉間殷秋樵比部拓西院於話

月山房之南相與位置竹石因成是聯光緒丙子

二月出都書留館中以志歲月云爾

王湘綺題衡州江南館聯

湘水東流想金陵龍虎遙蟠共向郵亭望  
遠 鴈峯南館看石鼓江山如畫長依俟

計籌邊

李笠仙代某君題湖南省城金陵會館聯

入門一笑是幾時萍水相逢願鴻爪少留

看三十六灣秋月 來日大難問別後梅

花誰寄望魚書早達趁二千餘里春潮

北京常昭會館門聯

年歲常熟 黼黻昭文

又館內敦睦堂柱聯

常建詩名興二福寺 昭明遺蹟讀書臺

通州會館在京都宣武門南通故隸揚州雍正二

年升為直隸州因與附郭之靜海鄉擬建會館

為春秋兩試士人息肩之所光緒丙申鳩集豐

賞重葺館屋願姓谷會垣之子儒基時官內閣

實典斯役及落成姓谷題聯云

惟淮海偏州逕隸行省與附庸舊縣別開

邸舍於茲眷彼征人命儔歎侶入息膳躄

出鳴佩珂去輿濶卑辱而升朝千里因依

欣聚首 繫鄉邦後進來遊上京即布衣

諸生皆具風雲之氣譽斯髦士應科歷官

內躋臺司外秉量寄自俶落權輿以迄吾

世百年賡續話從頭

又沈岐聯

廬旅迺構於京喜戴斗瞻天鳥奕簪纓朝

北闕 文章莫大乎是快騰蛟起鳳聯翩

科第冠南州

星沙會館在儀徵南門外拖板橋南屋宇華麗中

有龍王殿聯云

為龍為光其德不爽 如江如漢降福孔

皆

濟南八旗會館聯

國家長白發祥億萬年姬鳥姜瓚豐鎬衣  
冠輝帝里 海岱維青作鎮百七邑齊風  
魯頌聖賢桑梓說宗邦

王湘綺代莫提督題成都湖南館聯

少年裘馬錦江游喜整頓重來秋稻屢豐  
兵氣靜 高會簪纓華屋敞願英賢繼迹  
甘棠留蔭後人看

又題蘇州湖南館聯

文武翊中興翩然楚客聽吳詠 循良有  
先正誰比雲汀繼道榮

又題南昌湖南館聯

宅枕龍沙看表裏川原曾是湘人辛苦地

古今聯語彙選三集 會館

門盈駟馬喜從容尊俎幸逢江介宴安

時

又題衡州長沙館臺聯

東館接朱陵好與長沙回舞鶴 南山籠  
紫蓋共聽仙樂奏雲門

王益吾集陸放翁句題蘇州湖南會館聯

賓館喜重逢同上吳城看落日 鄉關渺  
何處却尋衡岳望歸雲

武昌湖南會館高可瞰江勝地也某君題門聯云

大江東去 吾道南來

又李篁仙聯

將相功名開湘楚數千年未有之局 衣  
冠人物泛洞庭八百里交會而來

古今聯語彙選三集 會館

何林亭題山西湖南會館聯

同是宦游人三晉雲山權作主 應知故

鄉事重湖風月近何如

又李篁仙聯

霜威出塞雲色渡河李太白詠三晉遺風

今日猶如昔日否 漢口夕陽洞庭秋水

劉長卿寫兩湖好景此鄉得似故鄉無

新化周芍衫延俊題湖南會館聯

大廈終須要樑棟 故鄉無此好湖山

又聯

洲邊草綠 江上峯青

又聯

拔磊落奇才 是海岱松是荊州柏 住湖

四

山佳處可太白酒可伯牙琴

吳悔晦題津市昭武會館聯

廣義稱澧公園亞土熙熙見歐俗 合羣

譬衣帶水洞庭浩浩接鄱陽

會館與津市隔澧相望其西有果園羣木滃鬱雨

過如沐明華陽王別業也

又聯

果園羣木綠浮几 津市晚燈紅到門

又聯

往古來今沸點成球不滅不生因離心力

產向心力 他鄉異縣買山庇廈誠歡誠

喜由小合羣進大合羣

譚鍾麟題廣州湖南會館聯

粵壤接衡郴風景不殊好徵荆楚歲時記  
宦游來嶺嶠雲山在望常念梓桑恭敬

詩

又張百揆聯

衡湘連五嶺雄封望遠懷鄉好共傳書寄  
歸雁 交廣控百蠻重鎮感時撫事便思  
飲酒讀離騷

又某君聯

五嶺聚萍蹤沅芷澧蘭列坐恍如香國會  
三湘聯梓誼玉山珠海相逢莫作異鄉

看

又聯

游嶺嶠廿年喜此地堂構重新好話家山

古今聯語彙選三集 會館

風景 溯湘濰一派願吾鄉英賢蔚起共  
迴天海狂瀾

新化周芎衫延俊題石江公所聯

公爾忘私異日宰天下當如是矣 所學  
何事抗心希古人庶幾近之

李篁仙題漢口長沙郡館樓聯

麓山之巔湘水之濱攜劍倚蒼茫數前朝  
梅將功名蔣侯威望 武昌以西漢陽以  
北憑欄瞰風物想故國定王臺榭賈傅祠  
堂

雲南湖廣會館有聯云

故國人來問流水桃花無恙 大觀樓近  
較岳陽黃鶴何如

五

古今聯語彙選三集 會館

陝西湖廣會館有聯云

惟桑與梓 生甫及申

湖北黃石港有吳越公所係旌德徽州上元南昌

南豐公共之會館也汪肖周孝慈集句題聯云

遊目俯大江 杜甫 數叢沙草羣鷗散 温

庭筠 舉頭望明月 李白 一夜鄉心五

處同 杜甫

京師四川會館聯

我從巴蜀而來回首劍閣夔門山川形勢

甲天下 書讀漢唐以上抗懷張仲吉甫

孝友文章啓後人

左文襄題蘭州四川館聯

刻銘天山石 喜作巴人談

六

川人商於津口鎮者建會館晴川開眸鄴郡王桂

珊元爲題聯云

芳草綠平隄往事閒評鸚鵡賦 好山青

到蜀相思遙寄杜鵑聲

瀘縣石陽會館聯

心流巴月蜀山以外 家在青螺白鷺之

間

瀘縣西昌會館聯

萬家燈火高低屋 兩幅煙波大小江

陝西山東會館門聯

聖賢桑梓 海岱人文

楊蘇父先生代濰縣中丞題山東會館聯

車服在廟堂梓敬桑恭此卽昌平鄗氏邑

聖神際天地管窺蠡測我亦達巷黨中人

江南山東會館聯

齊魯集英才但攜泰岱雲來得志願爲天  
下雨 秦淮臨勝地如泛明湖月去異鄉  
頗有濟南風

莆田陳海坪先生題北京龍溪會館聯

海濱人至談鄒魯 天上春來似畫圖





戲臺

胡蘊山云明經胡氏演戲之盛莫如道光丙戌其

時支譜告成梨園子弟凡三班自九月初一日

起至初十日止加演夜劇三天共演五十餘部

戲臺上有胡嵐峯先生聯云

蓮漏初長樓頭二十五點更鼓 檀林不

遠水口一百八聲曉鐘

又戲場後臨平田組一廳事頗有雅趣聯云

盡是平田也有斜陽簫鼓 乍來此地如

聞隔院笙歌

章在鎔先生隆鈞題章家祠內圓譜戲聯云

銅琵琶鐵絳板唱大江東去 奏霓裳舞

羽衣見衆仙下來

古今聯語彙選三集 戲臺

新建程稻村道存集文選題其家譜告成演劇聯

云

管絃發徵音資此夙和召鳴鳥於弇州追

伶倫於嶰谷 文明固天啓時維篤類詠

世德之駿烈誦先人之清芬

又戲臺柱聯

四千年幾多優孟衣冠試看帝非帝王非

王但上臺時都叫好 三十載重訂高陽

譜牒從此親其親長其長以觀天下不難

平

吾鄉惲氏散譜演戲惲季申撰聯云

瓊樓玉宇高處不勝寒聽一闋水調歌頭

此曲祇應天上有 桂子蘭孫世間能幾

許數千古風流人物可兒但覺眼中稀

末句

元道山詩

又聯

滄海閱成桑帝降而王王降而霸怪怪奇

奇小遊戲 人家好結果子又生孫孫又

生曾繩繩輯輯大團圓

又聯

辨姓關東西京若言華胄云遙我欲上追

有熊氏 審音分南北曲爲問菊花開未

不堪重遇李龜年

又聯

子孫瓜瓞遞衍雲初願堂構相承濟濟百

年滿牀笏 文武衣冠迴殊曩昔歎河山

大好紛紛一局爛柯棋

又聯

我出於宗宗出於祖雖遠必敬 絲不如

竹竹不如肉漸近爲佳

又吾友惲鐵樵一聯云

見勸忠教孝以爲是古樂乎託身猶有國

家怎說對之思臥 觀木本水源因念有

血氣者用愛寧無差等還當先講尊親

市師安徽會館戲臺有聯云

安廬鳳穎徽寧池太滌和廣六泗八府五

州良士于于來日下 金石絲竹匏土革

木宮商角徵羽五音六律新聲嫋嫋入雲

中

貴陽九華宮卽江南會館其池臺上有聯云

花深深柳陰陰聽別院聲歌且涼涼去

月淺淺風翦翦數高城更鼓好緩緩歸

徐定生先生題江南湘軍公所戲臺聯

簫管奏昇平依然盛世元音譜成韶濩

鼓鼙思將帥憶否當年血戰保此金湯

戴文誠公題京師廣州會館戲臺聯

近依輦轂光儀雅集定多蓬島客 話到

鄉園風味選詞應譜荔支香

陝省兩粵會館戲臺聯

百粵兩省廿七郡諸同鄉于時語言于時

廬旅 五聲六律十二宮太合樂可與酬

酢可與祐神

古今聯語彙選三集 戲臺

邗江湖南會館在南河下與江西會館爲鄰其戲

臺有聯云

二分明月正當頭喜寰宇澄清好將金管

玉簫唱西江月 千里暮雲同想像對樓

臺歌舞恍見珠簾畫棟飛南浦雲

楊蘇父先生題漢中湖廣會館戲臺聯

大夏渺遺音聽他秦筑秦箏今樂何如古

樂 天涯聯舊侶爲我楚歌楚舞他鄉也

似故鄉

館中祀大禹

又聯

我輩去軒皇張樂之墟又從異地聯歡何

妨繡綵琴尊平章風月 此邦自秦穆夢

遊而後宛有鈞天遺奏可以導揚和樂鼓  
吹休明

邢冕之題天津雲貴會館劇場聯

春日最溫柔燕草如絲滇海黔山人載酒  
往事知多少夢華似水雲階月地夜聞

歌

某邑屬多雲鎮釀金演戲以劉姓爲首戲場在盤  
龍嶺所酬之神爲福主宋公飛仙宋宰是邑殉  
後成神事蹟載邑乘綦詳桂味秋先生題戲臺

聯云

魏晉以前何論耶六朝五代不過一小戲

場玉樹歌金蓮步許多日帖花項漢大耳

郎幾輩淨生嘆古來人物風流直如雜劇

登臺轉瞬便終天演局 孔孟之徒長往  
矣諸子百家也算是好脚色陳壽志班固  
書正史彈詞屈原騷賈誼賦四時變調看  
此外高文典冊尤似伶倫合樂和聲共奏  
聖明時

又題九月九日盤龍戲臺聯

問籬東誰送酒來先生賞菊 知楚北大  
有人在老子猶龍

春申君廟社每逢仲春望日左右必演劇四天清

宣統己酉年閏二月演戲之日恰值清明某君

聯云

看里社又操豚酒祈年乃賡載歌恰好剛  
逢挑菜節 想蒼天也替鶯花惜老故添

一閨不然已過采蘭辰

胡蘊山聯話云田段程姓賽會至休寧選名班演

中秋劇及畢事西遞闔族迎佛保安兼報秋成

因就田段原班移來演劇胡藤圃撰聯云

大慈大悲衆生皈依焚香虔誦南無佛

多黍多稌豐年氣象擊壤歡呼西遞村

又聯

班自海陽選到看月色通明玉宇瓊樓輝

上界 劇從田段看來趁風光未晚雲璈

霓羽展中秋

休寧別名海陽

黟俗賽會惟中秋演劇最多族姓繁衍而殷實者

必選出色梨園中秋前三日開場演劇至中秋

古今聯語彙選三集 戲臺

後六日始畢謂之正中秋次者俟其演畢就近

搬運劇具以省繁費劇價亦稍廉謂之副中秋

至第三次則更省更廉然已值九月則因報賽

演劇不名中秋劇嘗見九月演劇一聯云

秋光殊未老試看潦盡潭清色色蕭疏好

摹幾幅雲林畫 爽籟自何來但聽弦繁

管急聲聲繚繞誰和滿城風雨詩

蒲九節題新墟戲臺聯

市內客官們也要關切些艱難時局 眼

前尺寸地不知淘汰了多少英雄

某君題還願戲聯

昔者疾今日愈禱於上下神祇固所願也

前言戲若是班以與鄰里鄉黨有同聽

五

焉

又某君聯

前言非戲 翼日乃瘳

黃境會期劇聯

男無假女無真爲何無人嫌假 你不來

我不怪怎麼不請自來

深縣蔡克勤君題其鄉還願戲聯云

天聽自民聽何須來報功還愿 今樂猶

古樂莫說是下里巴人

王孟衡先生采茶戲聯

知音者才許來莫到這地方睡覺 看戲

的都好笑何須替古人擔憂

次地廣人多必分上村下村以次而舉春曰保

痘夏曰保安例須酬神上村戲場俗稱上頭坦

下村戲場俗稱雙溪口胡藤圃先生撰保痘戲

聯云

苗亦懷新栽者培之在賢父兄修其孝悌

忠信 種由誕降勃然興矣因保赤子禱

於上下神祇

胡蘊山又云咸豐丙辰粵氛既逼官吏令辦團

練保衛鄉里西遞胡氏存仁堂支祠集團最

多胡藤圃督束之適新塑觀音佛像成祠內

上供佛像延道士誦經庭下軍械森列團丁

日夜巡緝祠前演劇蓋村俗向以六月十九

日迎佛保安佛像塑於水口凝瑞庵是日迎

胡蘊山又云西遞胡族向不賽會每歲演劇凡二

入支祠令僧道誦經禮懺數日仍送歸菴歲  
以爲常爾時戒嚴各支不復迎佛適佛像新  
成仍復舉行藤園題劇場聯云

集人力團練仗神力保安願衆生無菑無  
害聽道場誦經看廣場演劇是一樣大  
慈大悲

岳陽當青黃不接之時往往有所謂游鑼戲者廟

祝優伶及無賴昇神聚賭沿村誑騙李洞庭君

爲聯云

肯唱戲是陰功許多靠菩薩吃飯 要上  
臺充角色也須看時景穿衣

金匱姚坤壽小湘爲東巷撰禁偷園蔬戲聯云

爲人防瓜李嫌須知柳陌伯夷念判鷄鳴

古今聯語彙選三集 戲臺

一息 做賊偷葱韭起莫效時遷白勝臭  
遺狗盜千秋

某爲親喪發引演戲聯云

君子居喪聞樂固然不樂 達人盡孝作  
歌亦以告哀





雜題一

陳眉公題元旦日立春聯

歲朝春百年難遇 聖天子萬壽無疆

瀘縣廖潤堂孝廉集句自題春聯

兒時愛讀忠臣傳 日暮聊為梁父吟

瀘縣陳雲階集句春聯

豪傑不生機事息 功名無用布衣尊

瀘縣曾恕堂明經自題春聯

老人無病腰脚輕竹杖棕鞋再商量嶺上

尋梅峯頭踏雪 豪傑安居天下息農耕

女織莫辜負一犁秧水十頃桑田

深縣蔡克勤春聯

忠國家完糧納稅 睦鄉黨濟困扶危

古今聯語彙選三集 雜題一

虞山沈北山太史鵬元旦榜一聯於門云

不才明主棄 多病故人疏

張退菴先生別業春聯

城南一曲水 河上丈人家

丘菽園集智永千文題春聯云

萬歲萬歲萬萬歲 日新日新日日新

梁卓齋先生新年自題大門聯云

四山葱鬱 十畝桑閒

高某題春聯云

宦轍淹留家山坵壠虛寒食 天恩許假

京邸妻孥領俸錢

慈利吳晦梅先生甲辰春聯

甲撰東陲黃海有警 辰拱北極紫微先

春

又乙巳春聯

歲首為春吾國亦地球六十三國之一國  
歐元殊亞今年是耶曆千九百年又五  
年

又己酉春聯

周宣漢武舊稱治 大統春王新紀元

又庚申春聯

一蟹一蟹良已不如過去茫茫國家凡事  
私家近事 九牛九牛曾何足數未來種  
種憂患終身大患有身

慈利熊小白君立鑑春聯

願共和永永同此行星活 凡團體種種

譬如今日生

又戊午春聯

猶是湘粵滇黔激烈兵爭送年迎年却無  
情有恨 坐憐秋冬春夏模糊浪擲此日  
之日須滌舊布新

又聯

歲則逝齒則加過去一年一年錄錄 突  
不黔席不煖未來萬事萬事茫茫

又己未春聯

過去百端亂擾擾有如水 未來萬事願  
熙熙同此春

又聯

願國維新與春並育 迎年踵舊行夏之

時

大連灣某君春聯云

神州異域 舊曆新年

振振堂主人春聯

大大方方做事 簡簡單單過年

戊午年某君春聯

戊社影斜桑柘日 午橋春送柳絲風

額云干戈一撇

連年世界雲擾陽曆元旦某家門聯云

今世爲何世 故春非我春

靖難之役蜀中戰事最劇八年舊曆春正民獲寧

居慶賀新年較往歲爲盛富順陳刊華集查初

白句爲春聯云

古今聯語彙選三集 雜題一

身經開寶流離後 春到梅花淺淡間

儀徵阮文達之裔題大門聯云

三朝內閣 九省封疆

濟南曾七如衍東道光間爲楚北令緣事謫戍東

甌卜居終老風流放誕有鄭板橋風自署門聯

云

掛冠自昔曾騎虎 閉戶於今好畫龍

又室內聯云

嘗將冷眼觀螃蟹 不向朱門畫牡丹

又聯

於睡中得一覺字 到醒來作些夢看

嚴渭春中丞自題門聯云

兩朝恩眷三持節 五嶺歸來再讀書

壽州孫相國大門聯云

門生天子 天子門生

鍾遇賓侍御京寓大門聯

地連珠市口 人在玉壺心

寓址在冰窖胡同前接珠市口後依冰窖廠侍御

杜絕請託用本地風光為聯以明懷抱只十字包

羅一切故傳誦都下

彭剛直未貴時自題門聯云

絕少五千挂腹撐腸書卷 祇餘一副忠

君愛國心肝

李芍農侍郎集句為門聯云

且將醕酎酬佳節 辜負香衾事早朝

李蕓客先生慈銘少年甚負才名官戶部時居於

米市胡同清舊制凡納粟為京曹者終身無

補缺之望先生初由孝廉為貲郎至庚辰中式

進士始以資深補主事故嘗自題門聯云

米市胡同藏書三萬卷 戶部主事補缺

一千年

又聯云

我這裏班門弄斧雷門布鼓 君不見百

步穿楊七步成章

南通張退庵先生自題城南別業門聯云

地如杜老瀼西宅 詩讀香山池上篇

張齋庵先生門聯

官成十八品 世閱一千年

又聯

子雲投老不曉事 樂天此生乃足論

又聯

晴暉已釋冰霜氣 和澤先融草木心

又聯

且喜兩家共平善 如聞四海盡瘡痍

閩縣林畏廬先生寓北京永光寺街時自撰門聯

每年更易有聯云

儻名初得安身法 瑾戶仍非避世方

清季方地山津寓門聯

且食蛤蜊 安問狐狸

某氏築屋自題其門云

敢效漢于公高門閭肯堂肯構 竊比衛

公子善居室苟美苟完

古今聯語彙選三集 雜題一

楊海琴方伯在廣州自題門聯云

子厚過柳州山水益著 東坡游海外文

字逾奇

金粟香門聯

鄉社重聯九老會 詩鄰近接兩當軒

此金滄老自題移居門帖也左鄰莊氏乾隆十四

年有南華九老會唱和詩譜為莊氏佳話左鄰則

黃仲則先生故居沈友卿嘗戲易上句為蕪苑爭

傳五隨筆云

潘蘭史徵君自題門聯云

靖節籬邊有高菊 吳淞江上此青邱

按青邱即在淞濱蓋以高季迪自比其詩也

徐仲可先生寓海上遷居全福里時集陶詩為門

聯云

匪云卜其吉 時還讀我書

吳晦悔題寓廬門聯

將軍有揖客 老子其猶龍

又橫樞云城曲布衣之居原註予之居澧寓在東

城之灣深合龔句故借用為聯曰揖客以襄王鎮

守署演講之職也

徐貫恂部曹鑿集成語題圓門聯云

非惟成門戶 於是獲圓通

某君集四子題菜園門聯云

何必讀書 請學為圃

某君集四子題來青莊居大門聯云

易其田疇 修我牆屋

錢夢鯨草廬門聯

幸無三顧來門外 自有千秋在個中

劉嘯園先生門聯

校書承祖蔭

遠祖校書天祿余有校書圖承祖蔭也

作傳

述先芬

先世潛德隱而未彰略述其事名曰劉氏家傳

徐椿宇題提闈門聯云

八龍陸渾縣 雙鶴九巖山

宋徐渾舉孝廉不就之陸渾縣解洛山中教授生

徒有子八人皆知名時號八龍又南史隱逸傳徐

白遵移居九巖山有白鶴一雙棲其戶牖

張君一自題僑居門聯云

救世慚無扶漢略 僑居且作避秦人

如皋鄭芝承先生歷充蕪湖懷遠諸邑幫審晚年

閉門戒僕辭生客 倚枕聽兒背熟書

又題廳事聯

平生豈願乘肥馬 往事應須問塞鴻

又題宅門聯

東坡薦士 南豐贈文

又題書齋聯

舊書不厭百回讀 黃金難買一生閒

如皋沙君門聯

當今之世 與古為徒

儀徵劉張侯世傳左氏學其青溪舊屋門署一聯

云

紅豆三傳儒林趾美 青藜四照寶樹聯

古今聯語彙選三集 雜題一

芳

六安汪丙輝進士應焜大門集句聯

志在千里 心醉六經

又聯

依然故我 又是新年

富順陳洸貽剛伯集明人吳國倫句題門聯云

努力戒前路 抗志慕先民

陳小圃太史題人門聯云

曾經滄海難為水 尋得桃園好避秦

光緒季年溫處兵備道衡陽賀某里職後旅甌其

門聯云

老至居人下 春歸在客先

四川楊吟海先生宜瀚官華州知州辛亥殉難其

古今聯語彙選三集 雜題一

在西安時嘗自書春聯云

傍人錯比楊雄宅 日暮聊爲梁父吟

霍山汪林軒任潁州府學教授題大門聯云

鳳凰在郊藪 鷹隼出風塵

又題花廳聯

君子之交淡如水 好官不過多得錢

六安縣儒學署今改爲奉祀員署大門聯云

奉公守法 祀事孔明

咸豐之季陳金剛破廣西賀縣以李氏宗祠爲王

府陳客孫某爲撰門帖云

王者命自天誰敢化蛇當道 英雄居此

地何妨捫蝨譚兵

臨淄縣有三不着者張家村民社之旂號也以不

八

兵不民不賊故稱萬山環抱居民尙武里正張

錫原沈鷲毅勇爲衆信服聞膠州租割村人大

憤以不納地丁錢糧爲抵抗地方官吏無如之

何張氏有門聯云

吾人盡草澤奇男不管是何朝代 此地

乃桃源變相故能長駐春風

汪笑儂嘗於門榜一聯云

大文章無用處 古樂府有餘音

許太楣先生輯錄門聯

大好山水 小有乾坤

古道自處 今人與居

紅日有顯晦 青山無是非

數典不忘祖 出語必透宗



市遠無兼味 家居有素風

富順陳蓉昉廣文澤翔門聯集句

地居一郡樓臺上 文天祥 春在先生杖

履中蘇 賦

別彼高山大川字 龔自珍 覓交屠狗賣

漿中陸 游

已慣山居無曆日 方岳 能從奴虜識

英雄 李鴻裔

欲放青鞵踏雲水 李鴻裔 坐看佳兒變

鳳凰 李鴻裔

豈有文章驚海內 杜甫 漸無名姓到

人間 庚 集

叔孫禮樂蕭何律 杜甫 阮瑀軍書王

粲詩 錢 起

牆頭細雨垂纖草 張 蟻 天外斜陽帶

遠帆 温庭筠

爭作大裘長萬丈 白居易 曾為梅花醉

幾觴 白居易

幼輿丘壑蘭成賦 舒 位 謝朓青山李

白樓 陸龜蒙

文章自學歐陽子 李鴻裔 經義多推雋

不疑

老氣尙思吞夢澤 陸 游 好奇直欲反

離騷 李鴻裔

晚節漸於詩律細 杜甫 清時莫負酒

杯賢 侯方域

幸留山野容閒放 侯方域 未有涓埃答

聖明 岳鍾琪

風流不見秦淮海 王士禛 髦老猶勤衛

武公 李鴻裔

獨向亂離憂社稷 蔣士銓 便依句漏作

神仙 黃景仁

雜題二

金君某在京師日與李盤新比部並寓卽昇店每

論時艱輒發慷慨適值屠梅君守仁朱蓉生一

新兩侍御先後抗疏言事均得左遷丹徒趙曾

望爲盤新書一聯云

鴻儒白丁同陋室 狗屠朱亥共悲歌

南通費範九寄題于氏村居聯云

南通爲古名州歎農志失傳棖觸時艱迺

興地利 東海有隱君子登范隄長望雲

烟滿目中有仙居

河間某太史博雅工書尤喜集古其集庾信小園

賦題陸處士家聯云

落葉半牀狂花滿屋 焦麥兩甕寒菜一

古今聯語彙選三集 雜題二

哇

又爲某處士題聯云

閱水環階引池分席顏延之 還廳入幕

寫霧出楹 孔稚圭

趙子枚居鎮城故宅卽在其先曾王父吟翠閣下

閣材久圯子枚規度舊址重建飛檐勝曰百尺

梧桐閣其弟曾望題聯云

遺墨守清門踐迹三層自憐心苦分明想

見先人行坐處 空青招遠岫推窗四顧

頓覺目窮蒼莽感懷故國戰爭場

張峽亭先生家有樓六間其先君子藏書之所久

而頽圯僅餘最西之一小間先生葺而新之額

曰贖樓王拾珊瓊澤題聯云

僕與君兮同爲糟粕灰燼之餘矣 登斯樓也其有喬木滄桑之感乎

又周晉琦聯

休誇賸水殘山留一角危樓便是神州乾淨土 每遇清風明月弄數聲長笛能消大塊古今愁

又李亞白明經思綬集聯

大江流日夜 疏雨滴梧桐

黃應霖題忠縣碧蔭樓聯

春夜有人曾聽雨 秋陰滿地已成雲

楊建屏題涪州羅姓醉山樓聯

地喜四時常醉酒 樓無一面不當山

敘州太守滿洲仲靈題飲綠樓聯

杯底青山和酒飲 天邊明月送詩來

馮丕臣題其弟近水樓聯

地近洪崖登樓看白馬飛灘鳥牛起石門臨香水倚樹聽神魚伏洞巨象橫流

王廷琛題合海洲橘樓聯

江水分流來合海 樓居小住勝南陽

丁月湖溼題水雲閣聯

何必尋蓬島瀛洲此地已無塵俗氣 只合載筆床茶竈扁舟來訪水雲鄉

六安汪衡齋先生之曾祖蟠春公題萬松精舍聯

得地自收風月景 替天多植棟樑材

錢湘靈晚年卜居虞山室中榜一聯云

名滿天下不曾出戶一步 言滿天下不

曾出口一字

龍川南門外有宜隱樓俯瞰東江為魏紹唐邑令

所築春秋佳日輒集羣賢觴咏於此曾丹史題

聯云

有好亭臺深領略時翁既醉 適談風月

方題吟處鶴初歸

又集句聯

花間一壺酒 李白 江上數峯青 錢起

黃香鐵學博釗於潮陽東岩建樓集坡句為聯云

丈夫立身有如此 山僧一笑故依然

丹徒趙曾望先生自甲午隱居坵山遂無出山之

志乃聚徒講學以承先業歲除題其楹聯云

送往迎來誰能出不由戶 索隱行怪奚

古今聯語彙選三集 雜題二

為於某之門

又聯

誦其詩讀其書是以論其世 學不厭教

不倦聖則吾不能

又聯

披鶴氅衣戴華陽巾謫居之勝概也 乘

下澤車御款段馬鄉里稱善人焉

慈利吳悔晦先生為唐元吉題唐氏山樓聯

奇山亂圍到窗欲落 佳客時至與鶴同

閒

又為醉六題姑軒聯

姑射之說無稽空皆屬魔雖三千一微塵

亦有世界 軒農去今未遠理在唯物必

三

六十四原質始成我身

又題桂香樓聯

萬響不可靜 一層巍然高

又聯

居高明遠眺望 大吉利宜子孫

又聯

五雷突兀瞰窗立 二水蜿蜒吞郭流

又聯

危欄百尺風雲氣 上座諸君世界人

又題朱黃陂所建雙楓亭聯

黃陂名共此亭古 青山靜看行者勞

又題徐春浦山樓聯

石麒麟名巍如山斗 太華在右拱此檐

費

又聯

百尺高躡把酒問青天不語 一拳打破此樓比黃鶴何如

又吳悔晦先生之高足張心量君權題桂香樓

聯云

羊角牛頭如劍立 燕巖漁浦繞欄來

羊角牛頭燕巖漁浦縣山名皆登樓入望者

又題桂香樓春聯

薪桂米珠有此日 酒香飯熟且登樓

某寓公京師大川淀宅中小樓聯云

四時春夏秋冬景 一個東西南北人

慈利王子章樹人題張氏樓聯

萬事不關談有情風月 一層更上看大

好河山

遵化龍泉文社在城東北半里許有山水花木亭

臺之勝史竹蓀太令聯云

無數好山來當戶牖 有時雅集喜得林

泉

又題文社內文星閣聯

文章魁首 星斗羅胸

新化周芍衫延俊題梅西詩社聯

敲詩似鳥栖難定 收拍如蟬咽未休

蔣叔南於天台山露屏障下築廬奉母其地在四

山環抱中五六里外方有人居孟心史題聯云

親舍入雲深百歲承懽何必有鄰方是德

古今聯語彙選三集 雜題二

名山擅天下一廬穩占但求離俗不為

僧

丘菽園寓新加坡嘗因養病避地山居自題聯云

閒恣薜蘿深敢愠相遺要蒙俗赦 調從

風日好庸知所謝寧詫天醫

鉅州太守滿洲仲靈題醉紅亭聯

遠寺晚鐘過竹靜 芳亭醉客出花遲

又題過思補齋聯

靠樹窗軒清似水 界花籬落矮于人

凌孟靜孝廉鶴書題河南馮都轉船廳聯

南雪孝元歸里宅 西風王濬泊樓船

賀毅仁代友人題船廳聯

案有黃庭樽有酒 花為四壁船為家

五

某地臨水樓有一楹聯云

風片雨絲應留佳客 藕船荷浪是生好

詩

山家通用聯

山隨平野盡 村入郭門來

門牆多古意 山谷有遺音

牆頭山色健 窗外鳥聲閒

城庵有冷圃聯語之輯其序云丁未冬余與殘夢

從海外歸時亡友朝露仍在共處一室淋雨連

宵每談身世輒相對歎歎欲絕因謀於深山大

澤闕無人處營園圃以消殘日亦無俚之極思

也引泉作沼曲柳成門中間池塘臺榭制略擬

大觀園而一則綺窗阿閣極莊嚴壯麗之觀一

則冷落蕭條得山水天然之趣此其異耳堂有  
柱柱各有聯或自製或集古共得若干今舊邦  
已復而朝露亦已死矣此願當不可了偶檢行  
篋得舊稿覺庾子山之寒風蕭瑟王實甫之斜  
月殘燈都無此悲感回首當年恍如隔世也寂  
園聯云

青苔生壁 殘照當門

又聯

領我此中風味 由他世外滄桑

又聯

微聞滄海成塵土 莫問華枝照短長

又聯

五柳閉門高士臥 萬梅繞屋異書橫



又園內冷圃聯

孤月墮寒塘黃昏又近 涼風起天末消

息何如

又聯

落日賸孤城忍回首 秋風彌四海何處

春

又聯

城闕久荒涼野有蔓草 春風無處所山

盡斜陽

又園內春心閣聯

對明月時莫談往事 向無人處且聽啼

鶻

又聯

古今聯語彙選三集 雜題二

春草長池塘魂魄不由來入夢 江山誰

管領月明無賴又吹簫

又聯

花落鳥啼只恐非人間世 風斜雨橫我

道是離恨天

又園內靈院聯

鴻雁數聲過涼颺動天末 梧桐一葉落

白露沾人衣

又聯

坐看山月上 時有水禽啼

又園內弦亭聯

斜月殘燈寒風砭骨 敗荷衰柳冷露無

聲

又園內悄香亭聯

落月滿屋梁猶疑照顏色 夕陽無限好

只是近黃昏

又聯

認舊夢模糊不辨誰為蝴蝶 聽笛聲悽

緊祇愁吹落梅花

又園內有廊曰燕泥香聯云

春草碧如絲水墮山殘忍斜陽回首 紅

塵飛不到鳥啼花落更涼月窺人

又園內噫樓聯

咳唾古今盡化白虹去 俯仰天地時聞

長嘯聲

又聯

此恨誰知况淡月微茫時聞野哭 風雨  
如晦怕長宵寂寞故放鷄鳴

又園內清影堂聯

赤條條并無牽掛待玉碎珠沉翻身去也

冷清清幾時溫熱甚霜零雪亂拍手歸

來

又園內淬室聯

散髮乘夕涼飛心入明月 高晒邈四海

含笑看吳鉤

又園內薤露村聯

是斷井頽垣入夢都非舊境 甚黃昏清

角吹寒牘有空城

又聯

關城曙色催寒近 黃竹歌聲動地哀

又聯

舊巢空對人家畫梁總非故 殘夢斷記

曉風殘月更無人

又聯

問天無語 與鬼爲鄰

又聯

幾簇山花翁仲笑 滿林斜照子規啼

又園內掖庵聯

與佛有因常樂我淨 處世無悶可以長


生

又聯

一燈如穗談天寶遺事 萬籟俱寂聞銅

古今聯語彙選三集 雜題二

駝泣聲



雜題三

熊大司馬廷弼先中萬歷某科武鄉試第一後又

棄武就文中萬歷湖廣丁酉鄉試第一於是榜

其堂曰

三元天下有 兩解世間無

李笠翁少年碩學以布衣長揖公卿間所至倒屣

其題廳事聯云

綠衰叢中衣褐客 少年場內杖藜人

清初有浙江廩生棄家為僧住持於凝瑞庵中頗

有戒行自隱姓名亦不立僧號題僧室額曰還

有甚麼撰聯云

個中滋味咀還有熱一鉢冷一鉢鉢底花

香薰徧因緣十二 身外浮華愛甚麼冬

古今聯語彙選三集 雜題三

法衣夏法衣衣前珠燦光明世界三千

胡藤圃見上聯謂此公戒雖堅見理尚淺擬改

之云

個中滋味咀還有不在口鼻舌間倘存一

點躁心便難領取 身外浮華愛甚麼須

憑定慧忍力能受三條戒律始絕根株

徐舫亭先生少治經王公子弟多執經門下堂前

方丈地諸生習禮其間朱文正公珪為題一楹

聯云

先生畫堵同綿蕞 弟子傳經半繡衣

嚴文靖堂聯

一品榮歸日 雙親未老時

成都鄭敬庵宮保紳以工部尚書告老歸自題堂

聯云

世多君子扶皇極 天放閒人養太和

王中丞璣更號六陽山人自題其堂聯云

偶爾謝上天富貴 歸來作平地神仙

黃香山舍人自題秦泉舊里聯

五百年里第 十四世書香

里在廣州明黃文裕公所闢

錢塘有丁孝子二人長曰申字竹舟次曰丙字松

生懷慕先德廬墓西溪築風木盦以避寒暑又

爲圖以寄哀思尋兩人先後下世盦亦燬於兵

火其後松生子立本拓地更築祔祀二君栗主

更於盦後築屋三楹曰松夢寮蓋移松生君著

書處舊額以張之也更闢一室於西南爲友梅

軒西溪本梅花最盛處丁氏先世居越之梅山

其事詳盛鳳翔西溪改建風木盦記陳昌第題

盦中聯云

種竹醫俗種橘醫貧百世清風頑懦藥

夢梅知寒夢松知貴千章巨木棟樑材

又王海鵬聯

道術學靈虛令威去家千載 清風著耕

織靖公廬墓三年

又長沙張季鴻聯

萬木號風三復蓼莪同涕淚 一盒教孝

百年堂構付兒孫

又鄒典三聯

寬能纂易顛喜聚書水木溯本源正宜講

易讀書傳家以德 東塢歸龍西山如虎  
峯巒鍾靈秀定卜荀龍賈虎生子多才

又王同伯聯

山沿十八里門臨七二峯於三竺六橋外  
別具奇觀喜此間梅竹萬重福自幾生修  
到 風經廿四番木垂數百載從一氣兩  
儀中推求化理卜他日子孫千億兆占五  
世其昌

又杭縣徐仲可先生之女公子新華題松夢寮

聯

天外風來恐成龍飛去 山中月冷惟有

鶴先知

又周夢坡題友梅軒聯

古今聯語彙選三集 雜題三

後北宋九百年繼和靖清風交聯高士  
距西塍十五里續伯仁故事譜訂喜神

又魯純白聯

瘦似詩人何來疏影暗香聯成三友 直  
同吾黨具此清風勁節咸仰雙丁

張喬翁慕疇堂落成題聯云

莊周以至人自居乃謂遊逍遙之墟食苟  
簡之田立不貲之圃 韓愈爲天下所笑  
猶將求國家之事耕寬閒之野釣寂寞之  
濱

又聯

後世賢師吾儉 吾父清恐人知

又聯

三

過爾優逸恐不堪事 吾不田舍復在何

得無絃琴撫有酒尊盈

人

南屏葉氏有家塾顏曰西園葉書波之祖所建也

田後自撰堂聯云

頗閱廠後析產書波之尊人堯賓封翁分得一

作宰有何能好管領洙泗流風絃歌餘韻

角稍隘乃就其旁添築兩楹落成鶴客孫增修

收帆無別意最難忘園東荔子城北榕

賀以聯云

陰

西園之旁因樹爲屋 北海而後有酒盈

黃公度自題人鏡廬聯

樽

閩縣劉炯甫先生存仁咸同間由孝廉方正官甘

有三分水二分竹添一分明月 從五步樓十步閣望百步大江

肅游升至知府生平著述宏富晚年以延平書

吳悔晦先生自題悔晦堂聯

院掌教終有自撰堂聯云

廬自愛吾喜心遠地偏好容易倦鳥投林

老眼逢書破寂寞 枯腸得酒慶昭蘇

又聯

閒雲返岫 書還讀我歎昨非今是只賸

客來莫話市朝事 此去長爲山水人



又聯

倚天石壁不飛去 啄木山禽時下來

又聯

讀書須知有事在 移山祇是爭人爲

又聯

論文古人可平等 瞰窗明月能自由

婺源江湘嵐峯青題來級堂第宅聯

治生在能勤保家在能儉聞過在能改見  
善在能從吾儕默識此數言終身用不盡  
已 智慧戒太露是非戒太明願欲戒太  
奢風裁戒太峻聖賢垂教億萬世大旨其  
如斯乎

又聯

古今聯語彙選三集 雜題三

存心要耐得煩安樂都從憂患始 遇事

務見其大喫虧恆占便宜多

又聯

至誠從無妄二字做起 衆善皆不忍一

念發生

臧君博綸題舊居廳事聯

不識字何以讀書不通訓話何以明經上  
世玉林先生恆以此語教人余小子敢忘  
祖訓 必保身方可保家必愛鄉土方可  
愛國吾父揚庭府君嘗本斯意詔我凡後  
昆共念前徽

己未年慈利吳悔晦先生題寓廬聯云

己所不欲勿施於人則遠怨矣 未知明

年又在何處俾無訛兮

又代門人王營長聯

天下滔滔稷思由己饑禹思由己溺 戎

容暨暨郅治於未亂保邦於未危

某君題王氏家聯

此地有崇山峻嶺茂林修竹 終日惟杜

門蔬食經卷繩牀

運用右軍摩詰典故不能移作他家用

慈利田東溪先生命楠題月巖聯

月窟天根靜參造化 巖花澗草小有乾

坤

月巖吳悔晦先生宅名也

廣東蕉嶺陳敬孫先生題武陵源居室聯

家住桃源水流花放 人依柳下知命樂

天

原注云友人小隱山居門前植桃柳數十株榜其

廬曰武陵源庾子山小園賦所謂余有數畝敞廬

寂寞人外庶幾似之余曾至其家愛其地之清幽

流連竟日以此聯贈之

某君廳事聯

讀聖賢書須從實踐工夫盡些人道 處

世間事只要本分做去求個天知

丹徒趙會望之友人莊心筆與戴南村同卜一宅

廳事共之會望題其廳事聯云

寓言十九重言十七 禮儀三百威儀三

千

上下聯分切兩姓殊工

又會望寓居玳山新室成集葩經爲聯云

有覺其楹君子攸芋 考槃在澗碩人之

藹

徐椿宇題廳事聯

我思銘陋室 誰爲記閒軒

宋徐大正築室北山下名閒軒陸游爲之記

王温如集句題廳事聯

白雲在 天秋風牽手 流水今日明月前

身

宛平陸申甫中丞六十後自題其室聯云

老而不死是謂賊 臣之壯也不如人

法時帆酒題祭詩龕聯

古今聯語彙選三集 雜題三

言論大蘇性情小謝 襟懷北海風度西

涯 鄧完白自題齋聯

茅屋八九間 釣雨耕煙須信富不如貧貴  
不如賤 竹書千萬字 灌花釀酒可知安  
自宜樂閑自宜清

林文忠自題書室聯

師友肯臨容膝地 子孫莫負等身書

何蓮舫自題書室聯

獅林小仿倪高士 魚種新分范大夫

又聯

歷劫不貧才獨富 知音甚少客偏多

又聯

雞豚異日爲同社 魚鳥依然笑我頑

湘潭吳劭之熙題倚楓書屋聯

別墅若墓廬戀我先人仍共故山風雨

對門亦田舍笑余衰老猶堆滿屋圖書

原注云余所居碧稼塘田莊有楓樹一株百年前

物也因樹爲屋新築三間爲避暑計老楓正臨窗

下啓窗則先大父母先父母墳塋皆望見其處自

咸豐戊午至同治癸酉此十六年余居是莊中後

遷入城至宣統辛亥復來居年已踰七十矣對門

一茅屋則佃客所居也

又題竹屋門聯

濃雲過樹春如擁 修竹遮門月欲窺

又題田舍門聯

屋築三間長對歲寒三友 租收百畝已  
經食德百年

范肯堂題友人書室聯

呼吸一去千載無我 困勉以求三代之

英

上海某君向寓租界後遷城內九畝地自題內室

聯云

要得平安須修內政 不爭意見才是人

家

又廚房聯

厝火積薪家主慎毋忘遠禍 粗魚笨肉

廚娘偏會作調人

又屏門聯

必正必中不妨存界限 對內對外賴此

作屏籬

又客堂聯

長此安居便是三生有幸 雖非大廈亦

豈一木能支

閩縣薩珠士大令察倫嘉慶甲子舉人與林文忠

為鄉榜同年大令曾自撰齋聯文忠書之聯云

多情入世常增累 未貴論交好閱人

六安汪壽山孝廉自題書室聯

小鬟偷弄筆 老僕臥看門

六安汪丙輝進士應焜為壽山孝廉潘春之孫有

自題書室聯云

脈望何肥食古而化 鞠通太瘦知音者

古今聯語彙選三集 雜題三

稀

婺源江湘嵐峯青題程沁芝明經齋壁聯

勝日憑欄看第一溪山無恙 主人有酒

約二三朋好偕來

宿遷陳鍾毅廣文自署戢影草堂聯

書香花香酒香茶香聞眾妙香便足優游

老我 詩境畫境仙境佛境是極樂境須

知消受在人

廣東蕉嶺陳敬孫先生集句自題蛟騰書室聯云

蛟龍得雲雨 騰達破滄溟

都昌李定山副車蘇毓自題書室聯

書不讀人人實讀書故曰書可讀書無不

可讀 室難容我我能容室果何室足云

果何陋室之足云

潘鈞石分司自題齋聯

未易談詩憐婢拙 相逢讀畫得僧閒

吳霽航書室聯

田園一蚊睫 書卷百牛腰

楊蘇父先生題書室聯

日食一升飯勿飲酒 不讀五千卷莫入

門

吳霽航題鍾靈書室聯

夜讀茶經能止渴 朝臨米帖可充饑

又聯

愁無了期遇愁時休只管愁去 樂難整

段得樂處且零星樂些

蔡子香年未弱冠卽入泮胸襟淡遠不求仕進自

題書室聯云

太史觀書借名山大川作良師益友 長

公悟道對清風明月歌羽客飛仙

賀毅仁爲蕭玉衡題書室聯

數間茅屋閒臨水 一盃松鐙夜讀書

又蕭玉衡集句聯

十年閉戶樂幽獨 百金購書收散亡

又聯

獨坐東窗點周易 每依南斗望京華

趙曾望代人題書室聯

吾十有五而志於學 人一己千雖愚必

月

王溫如少以詞章知名庚子病後謝絕文字之役

自題一聯懸諸書室聯云

賸有肝腸堪報國 敢拋心力作詞人

新化周芍衫題西鄉滑石村惠公樓聯

舊書不厭百回讀 綠楊宜作兩家春

樓畔文公社芍衫讀書處也

京江趙少琴孝廉官廣文光復後為如皋師範學

校教員自題書室聯云

讀歷代名臣言行錄 考天下郡國利病

書

慈利吳悔晦先生題高青尹書室聯

雲嵐四時迷離朝暮 風雨一室上下古

今

古今聯語彙選三集 雜題三

又聯

讀崔鑣五千卷方入吾室 似韓愈三十年始有此廬

小梵居士用車蘭雪句署書室聯

千里交游孔北海 一船書畫米南宮

某君集庾子山句題書室聯

琴聲遍屋裏 書卷滿牀頭

某君題書室聯

無求便是安心法 不飽真為却病方

番禺潘蘭史徵君去年六十自題齋聯云

圖史兩間樓便是老來行樂地 江湖多

暇日補讀平生未見書

某君書室聯

十一

今於人也觀其行 古之學者必有師

又聯

初篁苞綠籜 海鷗戲春茸

又聯

倦開阮籍雙眸子 笑捧坡公一肚皮

某君集句題軒齋聯

巡檐共索梅花笑 飛蓋遙聞荳蔻香

某君題蓮泉書屋聯

一簾花影雲垂地 半夜書聲月在天

雲間楊古醞先生題徐貫恂梅花山館聯

杖藜到處應留我 騎鶴他年來訪君

某君題內室聯

喜怒哀懼愛惡欲 柴米油鹽醬醋茶

某君籍維揚僑居西安工畫其友為題畫室聯云

依然邗上二分月 恰在城南尺五天

楊建屏題黃清軒清涼書畫館聯

子弟欲培高矮樹 煙波時看往來船

婺源江湘嵐峯青題其弟菊圃室人繆芷華畫室

聯云

雅人自寫風前絮 鴛夢平分筆底花

某女士酷嗜文墨于歸後就妝閣為小齋位置不

俗又蒔菊數本竹數竿其藁砧為榜一聯於室

云

翠袖影嬋娟日暮天寒倚修竹 疏簾風

料峭秋深人瘦比黃花

洪君宗樹高麗才士以其國黨人內訌強敵外擾



常遊雨滬或累年不返傲居斗室中有自題聯

云

不臧厥臧民罔攸勸 以暴易暴我安適

歸

烏程王耀辰觀察服官福建時集句題其客座聯

云

君子之交淡如水 大夫無故不殺羊

盛子雲先生自書江寧館舍聯

好書若月能明夜 名士如山不厭奇

丘菽園孝廉集王右軍蘭亭詩字自題寓齋聯

載詠春和適欣天籟 參觀氣化同契羣

懷

跋曰唐以前文家有序必先有詩無平空獨成一

古今聯語彙選三集 雜題三

序者王右軍撰蘭亭序時本附有詩而序以書法

入神單傳千古今人多集序字良以素習其帖故

耳菽園向弗工書因遜而集詩非敢曰人棄我取

殆亦所以藏拙云

又菽園新加坡寓齋後院左浴室而右廚竈合

題一聯云

清涼世界 烟火神仙

又臨桂鍾西耘太史德祥題菽園新島寓樓聯

云

華戎無界誰爭鹿 韓范平看只聚蟲

王温如集句題落月停雲之軒聯云

誰可比光輝明月自來還自去 李白 鶴魯

世已疏儒素行雲歸北又歸南 杜甫 魚玄

十三

機

原注云軒主人本需次北省近以倦遊南旋故下

聯云然

又集句題索笑軒聯

蒼松翠竹爲三友 傅山 月地雲階漫一

尊 蘇軾

新化周芍衫延俊題知還閣聯

兩眼看乾坤消息金石非堅草木非腐但  
涵得方寸中和亘萬古春秋浩蕩流通天  
地外 隻身隨湖海浮沈詞章無效科第  
無靈硬拚著壯年筋骨挑一肩道義昂藏  
特立俗塵間

慈利熊小白君立鑑署自鏡園聯

史之美惡觀常取自鏡 我無尺寸土而  
名曰園

投贈一

李申耆太史贈繆雲巖聯

聞得書香心自悅 深於畫理品能高

繆工淡墨山水官府慕其名欲一見不可得

又陳漁史大令贈聯

吟壇贈答追長慶 花樹壺觴繼永和

那文毅彥成贈陸紹聞聯

著書軼釋名埤雅而上 摘藻在平原清

河之間

魏默深先生之著聖武記也龔定厂手書一楹聯

贈之云

讀萬卷書行萬里路 綜一代典成一家

言

古今聯語彙選三集 投贈一

徐雲甫以治經負重望包慎伯傾倒之嘗手書所

撰楹聯贈之云

高才袁彥伯 碩學鄭司農

趙甌北先生早賦歸田不與外事惟以著作自娛

劉石庵贈以聯云

務觀前篇半皆歸里作 啓期三樂全是

達生言

莫子偲先生贈永綏張叔平先生聯

當其下筆逞豪俊 曾未有此奇嶙峋

原跋云叔平三兄精六法結想嘗軼元四家上必

得如唐道元宋元章庶幾快意耳明一代獨服膺

龍友次則文長皆奇翹不可一世者憶舊集永叔

此二語極似爲叔平畫品作贊故引似之咸豐己

一

未初冬邵亭莫友芝

彭芸楣學使贈樂清林拱南聯

三千水激鵬溟上 百二峯環雁蕩南

錢塘丁修甫中翰立誠贈黃菊如聯

此地幽深結三間屋 其人汪洋若干頃

波

又贈詹維高聯

外直中通是花君子 春耕秋穫爲農丈

人

梁敬叔贈俞曲園聯

家有百旬老母 身爲一代經師

又桐城吳廷康摘錄湘鄉合肥二公語各十六

字爲聯以贈云

碩學宏文照耀百世雁行服鄭抗手班張

湘鄉公語 覃思闡覺遂有成書希縱古人嘉

惠來者 合肥公語

鄧韜庵爲蔣遇春書聯

尊酒不空千古風流孔北海 湖山舒嘯

一鄉耆碩蔣南沙

左文襄贈蕭榮階提督聯

守有道節有禮 尊所聞行所知

又聯

誰愛風流高格調 但見元氣常調和

又曾文正贈聯

天涯懷友月千里 燈下讀書雞一鳴

湘綺贈張文襄聯

壁立千仞猶恐未免俗 兼包九流而後

可談經

又贈余佐卿聯

斥鷃飛鵬所笑宋榮可無笑 三人行我

有師仲尼可常師

又贈馮章京聯

閒觀世事如修史 多見通人始信書

又贈陳用階聯

論文似酒知甘苦 退宦如僧靜見聞

原註云陳爲湖南官中能文者好甜酒而重聽

故戲之云

又贈張子年聯

親知懽喜常評酒 生計清平不厭官

古今聯語彙選三集 投贈一

又贈段郎中玉成聯

康樂文章先承祖德 子山松石不對俗

人

又贈李玉溪聯

花萼一家春富貴 竹林三益酒神仙

又贈黃可屏聯

江山奇秀懷三峽 兄弟文章比二蘇

又贈向晴峯聯

雲箋自題二萬軸 風騷已及四千言

又贈喻直夫聯

閒看戟門桐樹合 肯過精舍竹林前

又贈張少衡聯

念我能書數字至 羨君不入七貴門

又聯

知君開館常愛客 賴子高文一啓予

又贈唐賓樓聯

蘭陔舊地花纔結 桂樹新枝色更清

又贈唐魯臣聯

顛拓茅茨不期逸 詭暉分麗煥若雲

又贈符子琴聯

文章嶺海風雲氣 詩畫名家山水緣

又贈蕭子問聯

琴書陶令銷夏物 詩酒揚州寫意臣

又贈李子政聯

惟古於文必出己 當今之世貴獨清

又贈黃實監聯

到門不敢題凡鳥 種樹還須問橐駝

又贈喻蒸梧聯

詩句清如江見底 雅懷遙共月初明

又贈桂學李守一聯

菁莪得士如朱鄭 桂管看山想岱衡

又贈陳芝生聯

立身當兼仲尼墨翟之行 處世正在山

水鳴雁之間

又贈蔣霞初聯

居家當思求闕翁八本 處世須慎快意

事之端

又贈黃蘊思聯

似聞佳士心相許 每見同人眼暫明

又贈程載傳聯

春秋經世先王法

又聯

詩禮論兵霸國才

三輔川原長在眼

又聯

九州人物最關心

經義制心常有主

又贈程頤旭聯

詩篇避俗不酬人

江山行處皆成字

又贈某君聯

冷熱因人不算官

真跡近來留數字

又聯

新詩改罷自長吟

山水有靈亦驚知己

衿

竹柏之契妙會神

古今聯語彙選三集

投贈一

又聯

家藏古史存疑是

天與高文自信難

又聯

言念九流無所不况

化和萬有若取諸

懷

又贈程叔揆聯

捧盈執玉防蹉跌

被褐懷珠守性真

又聯

忠信篤敬行乎蠻貊

易書詩禮備在春

秋

又聯

靜坐觀心知損益

周流學禮得乾坤

又贈陸瑞真聯

五

一命存心能濟物 卅年勤業許通經

又贈唐鳳庭聯

從來為學心重細 不待披雲意已深

又贈李薛青聯

清風明月不用一錢買 流水高山自有

萬里心

又贈楊叔文聯

才大須知難作吏 心虛何患不能文

又贈周嚴泉聯

千年日至天非遠 六藝心通海可浮

又贈周蔭棠聯

龍德而學不至於穀 香風有鄰庶同如

蘭

又贈喻味皆聯

舊書百讀無新意 古事重論感世情

又集句贈黃蘊思聯

軒車過盡無公事 燕雀飛來帶笑聲

又集句贈黃泗岷聯

曾題芍藥元暉句 借得茅齋嶽麓西

又集句贈謝龍伯聯

鐘鼎山林各天性 風流儒雅亦吾師

又聯

羨君不入五侯宅 與爾同消萬古愁

又聯

諸事隨時若流水 此懷無日不春風

又集元人句贈鄭子溪聯



硬黃新寫蘭亭帖 飛白輕描薤葉文

又贈周畝莊聯

細推物理須行樂 各有因緣莫羨人

跋云畝莊仁弟索書以前贈揚哲子京卿句贈之

亦祝其為京卿也

又贈楊潤寰聯

好買耶溪三尺劍 莫笑田家老瓦盆

又聯

獨拘鄒籀求史筆 閒將吳帶寫莊襟

又贈曾荆山聯

浮名少味同雞肋 烈士何心說豹皮

又聯

大千瑞色攢松葉 第一春風到杏花

又贈程春甫聯

古今聯語彙選二集 投贈一

修身踐言有朋自遠 含純履軌與世無

爭

又贈周蔭棠聯

孝弟淵懿温恭博敏 崇壯幽峻晶白清

方

又聯

體識清遠言行以禮 運用吐納風流轉

佳

又聯

性情所同不翅儒域 識致安處足副時

談

又集漢碑字贈唐鳳庭聯

語言文字意為法 節奏音聲和以天

七

又贈程仲旭聯

守身如執玉 從善若轉圓

又贈程季碩聯

如有所能既竭吾力 不患無位求為可

知

又聯樊寄吾聯

多文以為富 遜世不見知

又贈彭治青聯

斗室似太古 升堂無俗情

又贈鄭亮伯聯

二月春風清眼耳 六經書味潤身心

又贈鄭啓迪聯

園中草木春無數 筆下波瀾老更成

又贈鄭農伯聯

夜月每招三徑客 曉寒猶勒一分花

又贈王竹間聯

自研朱露點周易 斫取青光讀楚辭

又聯

松根古石限雲綠 笛管新篁拔玉青

又集句贈蕭玉衡聯

近來更得窮經力 此心兼笑野雲忙

又集句贈蕭玉衡聯

獨共南山守中國 每依北斗望京華

又集元人句贈蕭玉衡聯

新朋每共論高義 忠孝應知屬大才

又聯

家世喬木春長在 循吏無華月有餘

又聯

游宦在巫峽峨眉天外天之地 立身處

山木鳴雁才不才之間

又聯

以忠信篤敬行州里蠻貊 能堅苦卓絕

爲道德階梯

又聯

治經略通公羊禮 博學能談冬鼠文

又聯

處世宜師黃石履 下帷當著玉杯文

又聯

養成上下千年氣 自有縱橫萬里心

古今聯語彙選三集 投贈一

又集曾滌生詩贈蕭玉衡聯

談經羣聖下窺瞰 得句三春生秀榮

又聯

直道而行能正俗 學人所重在窮經

又聯

知恥近乎勇 博愛之謂仁

又集句聯

近來更得窮經力 此心兼笑野雲忙

又箴鄧婿幼彌聯

久客人情當自惜 倦游詞賦始名家

跋云幼彌世講甥年垂五十宦學不進歲暮積雨

方樂遠游而自云千里不齎糧於其行也書十四

字以箴之

又聯

南園前問思賈語 西川後起得雄文

又勸常婿敦竹聯

謹厚始稱保家主 田園不羨宦游人

又示功兒聯

學貫九流纔一藝 儒兼十行不言仁

又示六女聯

但明詩禮傳家學 惟有勤恭是本師

湯化龍贈蕭玉衡聯

博聞強識敦行不怠 恭敬擢節退讓明

禮

相傳湘綺贈徐東海聯云

菊爲壽客天不老 人在春風聖之和

山東曾七如贈永嘉項果園聯

打開春夢少成佛 亂寫秋山老畫師

蕭幹贈王湘綺聯

獨立千載誰與友 撥棄萬事勿復談

如皋沈松成先生少與張齋庵同舉秀才甚相得

齋翁贈以聯云

言行擬之古人則德進 功名聽諸天命

自心閒

徐東海集石鼓文贈蕭玉衡聯

花鏤古田魚祝雨 草萋深院雉鳴陰

霍邱王賓知海門同知張齋翁頌以聯云

使君是湘鄉舊人吏事風規卅載都成前

輩範 並世唯潤州太守農桑學校一編

補訂諭蒙書

黃小艾太守為瀋陽右族需次袁江家蓄圖書彝

器半燬於亂嘗摧釐海門道五琅訪南通顧姓

谷曾烜於里門一見如平生歡并致其友人許

君壽門傾倒之意許君皖人授經淮右與姓谷

亦素未謀面者也姓谷集古語贈黃太守聯云

脩學好古實事求是 理財正辭禁民為

非

又贈許壽門聯

飄泊兵戈公路浦 浸淫墳籍子雲亭

康南海遊九江贈傅道尹聯

左江右湖兼領廬阜 荻花楓葉且官潯

陽

古今聯語彙選三集 投贈一

又贈金峙生聯

奇峯入漢 高浪駕天

又贈督署參謀長李曉滄聯

曉汲清湘水 夕觀滄海雲



投贈二

明遺民石濤道人贈伎聯

歌舞臨高宴 風雲奉上仙

袁項城少年豪放嘗漫遊滬江悅歌妓商英贈以

聯云

商婦飄零一曲琵琶知己少 英雄落拓

百年歲月感懷多

潘蘭史集句贈鳳金聯

紫鳳放嬌銜玉佩 黃金何日贖蛾眉

又贈阿好聯

阿閣鳳笙調月下 好山螺黛畫秋初

丹徒葉中冷先生玉森云友人棗樵君出示近撰

花間楹帖一册中多綺麗纏綿之作爰摘錄若

古今聯語彙選三集 投贈二

千聯如左贈舜華聯云

虞兮虞胡然帝也 花非花彼何人斯

又贈花二寶聯

蛾眉低蹙二分月 鳳髻斜簪寶相花

又贈花愛春聯

嬌花紅濯愛河水 芳草碧染春山雲

又贈花小香聯

莫嫌地小能容膝 猶道天香未著身

又贈董亞蘭聯

淒豔花闌紅亞字 冷香玉佩素蘭心

又贈月明聯

一賦閒情託秋月 十年殘夢續春明

又贈海棠紅聯

小海唱我吹簫趁新月黃初便髣髴霓裳  
玉宇 沙棠舟卿打槳問夕陽紅未記徘徊霧鬢青溪

又贈周金仙聯

望氣薄金銀帶一分狂一分愁七八分愁  
態 指迷乞仙佛說萬劫因萬劫果千百劫情魔

又贈翠蓮聯

翠眉刷劍是妮嬃將軍惜乎五等封不及  
此豸 蓮步搖金似娉婷妃子快哉一夕夢權作東昏

註云洪憲時作

又贈玉紅聯

玉合背人開細數相思怕難瞞今夜二分  
明月 紅粧容我借略參香夢便抵得當年一覺黃梁

又贈小喬聯

華髮上卽情天卿當賣杏年光春雨小樓  
癡說夢 酒盃中有劫海自惜飄蓬身世廢池喬木厭言兵

又聯

高格落風塵劇憐蘇小鄉親尊前無語  
綺禪參水月願借王喬仙鳥花底飛來

又聯

小怨不須提鳳簫引恨翠鈿嵌愁一枝筆  
便隨手拈來難斂我做畫眉張敞 喬裝



還更好雕扇搖風蟬衫披雪雙蠻鞞再低  
頭穿起定呼卿爲傅粉何郎

又賀小喬遷居聯

小住爲佳倦蝶夢尋芳草地 喬遷也好

流鶯飛在美人家

又贈陳小鴨子聯

室雅小何妨最相宜安鴨絨枕置鴨尾爐  
種鴨脚葵花這樣倒有些趣味 酒酣歌  
也好恰難得弄子晉笙吹子胥簫操子期  
琴縵大家尋一會開心

又贈王小銀子聯

鈿閣蹙雙眉眉鳳髻慵梳又捱過小春天  
氣 銀河斜一角鴟絃輕撥且來聽子夜

古今聯語彙選三集 投贈二

歌聲

又贈素珍聯

袖角笑遮樊素口 鏡邊嬌喚紫珍名

又寄贈小如意聯

小別近何如雙鯉來時夢想微雲還憶汝  
此間無可意羣鶯飛去目空芳草更愁

人

又贈小叫天聯

小步忒娉婷鞞袖行來鸚鵡一聲先叫好  
天真還爛熳牽衣笑問鴛鴦兩字怎生

書

又贈金小喜子聯

佛說云何參小乘禪登歡喜地 我聞如

三

是作大聲唱發師子音

金小喜子工唱淨面

又贈秋雲聯

帶春氣三分秋氣三分宜喜宜嗔笑替嬌  
花圖俠骨 懺風情一點雲情一點卽空  
卽色戲呼明月證前身

又贈錢真真聯

靜女着閒愁酒半嬌嗔宜美目 狂奴仍  
故態花前矜慎太多心

又贈花金翠聯

歸來也攜手又逢卿憶別時河滿歌聲伴  
金雁斜飛箏柱 笑矣乎低鬟偏向我評  
醉後羅浮春色與翠禽同夢梅花

又贈徐小杏子聯

十年杜牧贏得狂名問薄倖詩篇有小奚  
囊在 半面徐妃別饒丰韻正嫩涼時節  
著杏子衫來

李澄宇贈小鳳仙聯

有美一人鳳兮鳳 如此良夜仙乎仙

又贈雲秋聯

風雲無盡時 春秋多佳日

又贈雙喜聯

不成個雙兒豈罷休 這般可喜娘罕曾  
見

原注筷子謎云姐姐嘗菜到廚下哥哥吃飯來案  
頭朝朝暮暮在一起不成個雙兒豈罷休以謎語

對西廂未必非類也

又贈李金鳳聯

擲黃金於虛牝 看丹鳳之朝陽

又贈武陵海桃聯

海上生明月 桃源別有天

又贈菊雲聯

秋菊有佳色 秦雲如美人

又贈翠蘭聯

我有翡翠衾 如入芝蘭室

又贈小梅聯

一覽衆山小 先開十月梅

又贈大梅聯

偶看大雪世平等 修到梅花春自由

古今聯語彙選三集 投贈二

又贈飛雲聯

都道飛瓊是仙子 偶憑雲錦訪天孫

又贈鳳雲聯

他生願作秦樓鳳 好夢長爲巫岫雲

又代某君贈愛盧聯

愛罷牡丹蓮菊好 盧在人境車馬喧

某君始與白牡丹有舊故上句云然

又代某君贈張寶寶聯

也有運籌帷幄意 相見坐談金玉緣

又代某君贈濟南紅寶聯

未必紅顏皆薄命 欲憑寶筏渡迷津

又贈岳州玉桂聯

一生只拜玉階月 十里猶香桂樹風

五

又贈長沙小喬聯

錢塘自古稱蘇小 銅雀於今有二喬

又贈蘭生聯

蘭有國香同號草 生非薄命不為花

又贈長安四珍聯

四時最好一二月 珍重長安十萬花

又贈菊第聯

聊與菊花爭品格 莫將第宅憶王侯

天韻閣主人李蘋香係某相國孫女所天亦某部

主事誤墮平康詩筆慕隨園專寫性靈吳縣吳

靖瀾兆烈主繁華報筆政時偕友人時造其粧

閣流連唱和無虛日虞山龐蘂子曾梓其詩稿

行世後更名謝文漪靖瀾集宋人詞句贈以聯

云

此恨誰同說銀屏夢覺玉漏春遲無限  
啼痕盡是愁邊新句 人生能幾相逢醉  
墨題香秋燈吟雨更扶病骨何堪客裏天  
涯

又贈金賽玉校書聯

翠玉樓前有歸夢梅花舊時明月 碧桃  
扇底正單衣試酒銀字吹笙

又贈葉碧香聯

更何處相逢怨蝶迷花啼鵲暗碧 問今  
年底事秋燈吟雨醉墨題香

又聯

榻來九曲屏山碧淺紅深團將春意 看

到二分梅月香消酒醒低按涼州

又聯

碧雲滿地梧葉冷 香雪潑戶梨花晴

尤玄甫集唐贈月花聯

江上何人初見月 春城無處不飛花

又贈雲蘭聯

除卻巫山都不是 可知香草最相思

程海年贈月舫聯

春花秋月何時了 東船西舫悄無言

趙曾望贈雲仙聯

直掛雲帆濟滄海 閒與仙人掃落花

又聯

雲鬢金翡翠 仙掌玉芙蓉

古今聯語彙選三集 投贈二

其後雲仙爲官中所逐遷居陋巷曾望又集成

句爲聯云

敢告雲山從此始 不辨仙源何處尋

又贈愛珠聯

冬日可愛 秋露如珠

又贈小銀子聯

小鳳新裁三寸屨 銀鵝初試五銖衣

又聯

小鬟彈露紅綃溼 銀甲彈冰綠綺涼

又贈王采林聯

彩雲不散明月長圓天上人間此樂何極

林花欲飛水禽如語參橫斗轉所思不

來

原注云時林欲嫁某商而不遂余故信筆調之又

代某君贈小喜子聯

小姑居處神女生涯商量桂葉菱枝酒後  
莫歌如夢令 喜子今飛藁砧誰御檢點  
鉛華裙帶江干同是未歸人

妓水仙面有微麻會望又戲代其友贈聯云

觀於海者難爲水 仙之人兮列如麻

又贈文卿聯

情生文文生情 我憐卿卿憐我

陳柱北拔萃客金陵眷一妓號明仙贈以聯云

明月好同三逕夜仙人常傍五雲居集句穩

愜會望又改柱北下句爲聯云

明月好同三徑夜 仙臺初見五城樓

陳柱北拔萃贈金陵小雙聯

紫燕雙邊逢小玉 碧桃花下會雙文

丘菽園贈粵妓阿來聯

阿香天上聞芳字 來夢宮中賜別名

又贈鳳屏聯

鳳子輕紅花裏活 屏山杳靄雨中疑

又贈桂金聯

桂殿香撩癡叔寶 金盤露乞渴文園

又贈香蘭聯

竟體香薰聞賈午 凝脂蘭浴寫唐寅

又贈雁鈴聯

落鴈平沙一曲可憐同命鳥 繫鈴香國

億身願化護花人

又贈瓊玉聯

怕說飛瓊塵界識  
悄呼小玉隔窗聞

又贈蓮英聯

蓮心緘札貽君子  
英氣成虹隱美人

又贈阿帶聯

阿子歌清宵按拍  
帶圍腰瘦靜量愁

又贈順喜聯

順風江上迎桃葉  
喜訊宮中薄鬱林

原注云鬱林王題箋本非佳典惟前輩詞章家亦  
有引用者如隨園喜文玉至七律結韵云喜字自

書三十六翦牋擬學鬱林王余亦忍俊不禁死典

活用姑用薄字以斡旋之

又贈亞珍聯

古今聯語彙選三集 投贈二

亞字迴欄花度影  
珍珠密串豆拈詞

又贈雁鈴聯

雁影秋心人共瘦  
鈴聲花夢我同圓

又贈亞雪聯

亞欄獨立花偏韻  
雪嶺初登桂不如

又贈新玉聯

新聲解唱花能語  
玉貌傳神月替姿

又贈雪香聯

雪中林下吾清友  
香海花田妾舊家

又贈愛卿聯

宜愛名香誇海國  
可卿幻影領紅樓

宜香名

又贈小紅聯

梅雨西陵傳小小 屏風東閣教紅紅

又贈美君聯

錦衾獨日歌余美 翠袖寒天倚此君

又贈蓮金聯

儘說蓮花輪祕監 閒評金粉殿南朝

又贈帶妹聯

芍譜帶能徵富貴 粵風妹會唱相思

又贈亞三聯

亞字畫欄休錯已 庾辭粲女可成三

又贈月英聯

花譜新題紅月月 雲光試詠白英英

又贈鳳蓮聯

鳳鳥高翔求綠綺 蓮花倏現悟華嚴



諧謔

可談云王梅運勾骨立有風味朋從目之爲風流

骸骨崇寧癸未余在金陵府宴集見官奴有極

瘦者府尹朱世英語余曰亦識生色髑髏否余

欣然以爲王勾得對

風流骸骨 生色髑髏

猥談云卞郎中榮在某閣老坐適外報廷試首選

閣老曰狀元却是瞋睡漢卞答如下聯

狀元却是瞋睡漢 宰相須用讀書人

蘇東坡嘲杜默之詩以爲山東學究飲村酒食瘴

死牛肉醉後所作者尙足言詩乎然人之評東

坡詞則有關西大漢鐵綽板銅琵琶唱大江東

去之語後人因成聯云

古今聯語彙選三集 諧謔

山東學究村酒牛肉 關西大漢鐵板銅

琵琶

東坡諧聯

九百不死 六十猶癡

後山詩話云昔之黠者滑稽以玩世曰彭祖死其

婦哭之慟鄰里曰人生八十不可得而翁八百矣

尙何尤婦謝曰汝輩未喻耳八百已死九百猶在

蓋世以癡爲九百謂其精神不足也又有新令視

事不習吏道召胥魁胥魁具道笞至五十及折杖

數令曰我解矣笞六十爲二十四耶魁笑曰五十

尙可六十猶癡耶東坡取以爲對云按此等古諺

名方有流傳者願以見告

黃魯直兄諧聯

龍池藏壁蝨 虎子養溪魚

後山詩話云魯直有癡弟懸素琴而不御蝨處其中魯直嘲之曰龍池藏壁蝨未有對句繼而見床下溺器中畜生魚魯直之兄大臨躍起曰虎子養溪魚乃佳對也

後山詩話云某守與客行林下曰柏花十字裂顧

客作對客答之蓋皆宋人俗諺也聯云

柏花十字裂 菱角兩頭尖

褚石農外紀云兵部侍郎項文曜附媚于忠肅每

朝待漏必附耳密言行坐不離時目為于謙妾

又戶部侍郎王祐貌美無鬚諂事王振振一日

問曰王侍郎何故無鬚祐曰老爺所無兒子焉

敢有時人以為對云

于謙妾 王振兒

記聞云正德中江都趙鶴為山東按察司提督學校副使鶴尚嚴厲生員多所除罷籍紳多厭之因罷官以貴溪江潮代之亦風裁凜然為諸生所畏惡潮巡至齊河見壁間題句云

趙鶴方翦羽翼 江潮又起風波

又天順間錦衣門達甚有寵有某為門達門客

鑄印曰錦衣西席又有名甘棠者為洗馬江

朝宗壻亦有翰苑東牀之印時人以為對云

錦衣西席 翰苑東牀

有題牧翁逸老堂聯云

逸居無教則近 老而不死是為

明季某翁榜其門曰君恩深似海臣節重如山明

亡而此聯依然或於其下各加一字云

君恩深似海矣 臣節重如山乎

孫北海諧聯

剪取吳淞半江水 惱亂蘇州刺史腸

清初張爾唯太守學曾由部郎出守蘇州孫北海

曹倦圃襲芝麓三公餞之各攜所藏書畫轉相誇

示太守出江貫道長江萬里圖真蹟三公傳觀嘆

為壓卷太守意得甚北海徐議裂而分之曹襲皆

拊掌稱善立呼侍者以刀尺進太守窘甚乞哀北

海大笑曰吾今日得一集唐絕對矣衆聞言因各

拊掌

清初有以六品官得花翎者某君戲集唐句為聯

以贈之云

古今聯語彙選三集 諧諷

六宮粉黛無顏色 萬古雲霄一羽毛

清初有葉初春者作令粵東所至拈克值元夕民

間放花燈燈棚署一聯云

霜降遭風四野難容老葉 元宵遇雨萬

民皆怨初春

金文簡公諧聯

南人北相中書令什麼東西 水部火焚

金司空大興土木

吳江金文簡公士松官工部時對於僚屬頗有輕

視之意一日有某中書籤分工部進謁堂官其人

雖南產而狀貌巍峨頗有燕趙壯士之概文簡公

對戲之曰南人北相中書令什麼東西某

中書聞之知其諷已時工部新遭回祿即信口為

聯曰水部火焚金司空大興土木

紀文達與彭文勤之諧聯

曉嵐確是神行太保 雲楣不過聖手書

生

文達行步最疾文勤工書出聯為文勤語對聯則

文達語也

劉李諧聯

騎青牛過函谷老子姓李 斬白蛇入漢

關高祖是劉

劉乃香川人也善詞章自許甚高有睥睨一世之

概素聆李文慶之名至平江造廬請謁適次青在

焉劉問次青姓次青曰爾能屬對乎因曰騎青牛

過函谷老子姓李劉對曰斬白蛇入漢關高祖是

劉李遂訝曰君其川之劉乃香耶劉曰是於是握

手數日始散一時傳為佳話

順治丁酉江南鄉試主試者為趙左二姓李某嘲

以聯云

趙子龍渾身是膽 左丘明有眼無珠

烏中丞與某太史諧聯

鼠無大小皆稱老 龜有雌雄總姓烏

有清一代凡由翰苑出身而科分較前者人咸以

老先生稱之道光朝有烏某者為某省巡撫適值

某太史來謁因出聯語以諷之某太史即應聲以

下句對

浦田郭蘭石以名翰林官編修十二載而不遷秩

京師呼為金不換以編修七品戴金頂故也又

天門蔣笙陵修撰在館十年不除一官人號爲  
石敢當以修撰六品服色戴車渠頂故也好事  
者以爲對云

金不換 石敢當

周伯蓀諧聯

天而既厭周德矣而兒同音吾其能與許爭乎

同治中吳縣周伯蓀蘭督陝甘學政與伶人張天

元狎戲呼爲天兒後因事有違言適許仙屏振禱

亦督學歸京天元遂棄周而事許周遂爲此聯以

自嘲云

同光間寶璽當國內閣中書吳璽因改名均金適

其婿捷禮閣得內閣中書或爲聯云

女婿頭銜新內閣 丈人腰斬老中堂

古今聯語彙選三集 諧諷

劉位坦有三婿均以年名時人爲語上聯或對成  
下聯云

劉位坦三位令坦喬松年吳福年黃彭年

劉家女待年而字 潘世恩累世承恩癸

丑科乙丑科辛丑科潘氏子逢丑成名

潘爲乾隆五十八年癸丑狀元咸豐三年重宴瓊

林(癸丑)其孫祖蔭同欽賜舉人是歲祖蔭復以

探花及第亦癸丑也而其弟世璜以嘉慶十年乙

丑登第其子曾瑩爲辛丑進士故云

姚秋農典順天試時聞中有用尙書率循大卞者

批云大卞二字疑天下二字之誤是科蔣秋吟

分校有用尙書不率大夏者批云大夏二

字不與時人因爲聯云

蔣徑荒蕪大夏含冤呼六廿 姚墟榛莽

秋農一笑對秋吟

光緒癸巳恩科鄉試主考官爲翁常熟諸鉅公三

場策題內不知如何失檢將商朝發祥之簡狄

玄鳥誤爲姜嫄又將元魏之建都平城誤作統

萬題紙下衆大譁經監臨官揭參自主考以下

皆議處有滑稽者撰一聯云

司徒託體姜嫄可憐簡狄淒涼當日虛徵

玄鳥瑞 拓跋建都統萬試問平城寥落

何年改作赫連王

額曰人地生疏

光緒乙卯山西主試爲胡泰福林壬兩君以子華

使於齊全章命題是科元作傳爲話柄其破題

首句云古道可風中雨小比則曰今夫泰山之

雲雲崇朝而雨徧天下其量溥也儒生之量不

出戶而涵蓋羣生其志大也有人爲聯云

林鳩亂喚泰山雨 胡馬悲嘶古道風

光緒乙酉科江南監臨官譚鈞培號次初令諸生

自攜考具不許他人送場點名時大起風潮譚

之眼鏡亦被擊而碎幸府縣調停得以無事有

人作聯嘲之云

二百年擅改王章初次毫無倫次 數萬

生自持考具鈞培大不栽培

清宣統時有留東學生某氏以獻媚駐東公使某

得保考爲法政科翰林一日致書於友人胡秋

聲論憲法研究會事誤書秋聲爲秋輩研究爲

研究京畿好事者遂爲之聯云

輦輦同車夫夫竟作非非想 究究同穴

九九還將八八除

又是科正考官爲馮爾康副爲戴彬元亦有人作

聯嘲之云

馮爾康不過爾爾 戴彬元未必彬彬

某爲粵學政以貌取士時人爲之聯云

有成德者有達材者姑舍是 巧笑倩兮

美目盼兮故進之

某生才士也應試冠童子軍既鄉書聯捷自爲一

聯云

端午前猶是夫人自稱曰 重陽後居然

君子不以言

古今聯語彙選三集 諧謔

清季外務部左丞某公充癸丑江南副考官撤轅

日適值劉忠誠祠落成某公題一聯云可託六

尺孤可寄百里命公無愧焉君子歟君子也因

保半壁地遂安九廟靈功誠偉矣如其人如其

人歟署頭品頂帶外務部左丞江南鄉試副考

官某某有無名子戲襲其語以嘲之其詞云

本是外務部來充副考官運亦佳哉頭品

歟頭品也 硬寫論語句掛在忠誠祠牆

莫大矣笑死人笑死人

嚴問樵先生曰道光初元江南有嘲舉孝廉方正

者大書於其門曰

曾見 孝乎惡能廉 可欺以其方也

奚其

某君嘲優貢聯云

吾子勉旃駕麋增附而上 先生休矣在  
倡隸卒之間

鎮江趙某以保舉將入都謁常鎮道趙之先世微

觀察言次因目之曰之子驛且角觀察面赤而

鬚繞頰趙應聲對曰其人赤而毛觀察無如何

也

之子驛且角 其人赤而毛

李合肥在北洋時凡求位置者李對之色霽言謙

則無望如加斥辱或大呼曰滾者恒得優差有

人擬上聯而難於對會有某令私其傭婦婦僞

逃而令本夫索人令不為動又勾刑幕嚇之令

問果有此事當得何罪幕云當出口乃以賂解

一字之對如下

一字之對容於華褻 彼婦之走可以出

口

陳君海鵬清咸同間名將也後解甲歸田養鴨於

新河座客常滿有北海風時人為之聯云

欲喫新河鴨 須交陳海鵬

海鵬既歿其孫亦有祖風時人為續之云

欲喫新河鴨子 須交陳海鵬孫

東撫文格因事被劾交夏某查辦或嘲以聯云

天喪斯文齊魯於今誠萬幸 帝誠可格

游夏不能贊一辭

甲午年都門諧聯

翁師傅兩番訪鶴 吳大澂一味吹牛



清德宗時都下傳二巧對其一云

宰相合肥天下瘦 司農常熟世間荒

其二云

楊三已死無蘇丑 李二先生是漢奸

剛毅信義和團聽戲誤之也事敗狼狽出都都人

嘲以聯云

中軍無復黃天壩 丞相空嗟白帝城

志銳將軍為清德宗珍瑾二妃兄二妃無寵故僅

為烏里雅蘇台將軍有某名士戲撰一聯黏於

其門云

可憐光彩生門戶 未有涓埃答主恩

光緒庚戌湖南飢民聚焚撫署時撫湘者為粵

西岑春莫藩司為陽湖莊廣良當飢民圍燒撫

古今聯語彙選三集 諸詭

暑時萬衆洶洶但聞莊至衆皆讓道歡呼岑以

民心有屬遂令莊暫權撫篆好事者為集孟子

一聯云

衆楚人咻引而置之莊嶽 一車薪火可

使高於岑樓

某君挽湯蟄仙先生聯云

不商致富不仕得官猶老處士 文則變

法武則革命是大英雄

近人諧聯

岑春萱拜陸鳳石 川冬菜炒山鷄絲

滬上曾有出聯徵對者云岑春萱拜陸鳳石其對

為許弼丞作也

又聯

九

湯蟄仙 油炸鬼

左斗才署湘陰縣時或為聯以嘲之云

斗筲何足算也 才難不其然乎

額曰所惡於左

某縣令諧聯

天不怕地不怕就是老婆也不怕 殺何

妨副何妨即便歲考又何妨

某縣令素有懼內之名外人皆點綴其詞以為笑

柄一日與一秀才同席令為出聯以解嘲秀才應

聲對云殺何妨副何妨即便歲考又何妨

沈文鎬諧聯

某塾師欲難一神童見其至以成語囑對神童立

為聯云

子為難自西自東自南自北奚自 吾語  
汝如切如磋如琢如磨何如

章硯芳諧聯

蜻蜓燒蒲扇 壁蝨當杏仁

孟心史云憶二十餘年前雇民船赴江寧省試艙

中燃煤油燈天暑多蟲有蜻蜓撲燈翅已帶火遁

而止於一蒲扇上扇即燃急撲之既滅乃出一聯

云蜻蜓燒蒲扇倉猝未能對忽一壁蝨出於前羣

譁以為臭或云其氣味不過如杏仁耳章君硯芳

急呼曰有對矣乃壁蝨當杏仁也

諺語

王硯雲先生嘉穀所撰俗語對聯膾炙人口茲摘

錄如後云

就湯下麵 借風過河

輕人輕自己 有說有商量

無風不起浪 有麝自然香

嚴父出好子 強將無弱兵

十年逢九閏 一字值千金

爺有不如娘有 大哥莫說二哥

學成一半要生成一半 說得出來就做

得出來

千人喫飯一人主事 家有長子國有大

臣

君子難說對面話 皇天不負苦心人

死棋旁邊有妙着 搭船老兒占中艙

看菩薩添顏料 照題目做文章

孝感夏觀川太史力恕集諺

太平年斗米十錢朦朧老眼睡起時日高

三丈 元宵節一刻千金風流浪子醉歸

處鼓打三更

富順陳刊華集諺

鬼打鬼 人託人

打片馬 耍單槍

三張臉 兩樣心

說天 出風頭

燒冷竈 當小秧

吐壽字 賣訓書

偷天換日 打草驚蛇

風吹草動 日曬雨淋

張頭立耳 有口無心

拿輕怕重 說短道長

埋頭捉筆 信口開河

一伸一縮 半吐半吞

鼠子鑽牛角 啞人吃黃連

牽牛扒皂角 順風倒雨臺

五子比六子 張飛殺岳飛

姜太公在此 泰山石敢當

尿脹創糞窖 雨過送蓑衣

棒打愚人不醒 牽起瞎子跳崖

牛頭不運馬尾 鼻子莫說眼睛

攀石頭搥腦壳 指冬瓜罵葫蘆

今朝不說前朝話 一人難結萬人緣

吃飯纔知牛耕苦 爲人最怕老來貧

王靈官耍節節棒 冒失鬼打包包羅

狗子嘴頭莫象齒 情人眼內出西施

具這般神通過得海 有好多羊子趕上

山

天上鷓子地下脚子 鄉頭豆兒狗頭餅

兒

說木就木說竹就竹 嫁狗隨狗嫁雞隨

雞

破了罈罈去中饋饋 有這釘釘才挂瓶

瓶

話甜如蜜心黑如漆 人少過年人多種

田

有鹽同鹹無鹽同淡 人善被欺馬善被

騎

強盜遇着拐子手 大福落在醜人身

三張紙泥糊個人腦壳 一吊錢搭不齊

脚後根

奉新彭飛陸集江西諺語

平頭紳士 赤脚斯文

因小失大 隨方就圓

飲摸鬚酒 吃剝皮齋

借花獻佛 打草驚蛇

古今聯語彙選三集 諺語

輓來硬受 死打活挨

平眼估值 捻鼻焦乾

糯米尊長 草包師爺

酒肉兄弟 柴米夫妻

雪裏送炭 火上澆油

平頭紳士 瞎眼光棍

風吹草動 雷打火燒

賣播盆祭鬼 肩確白游神

疑心生暗鬼 反眼不認人

吃飯怕盃響 煮粥和飲乾

眼睛不對鼻 頭髮和着鬚

煨姜心口痛 吃酒量身價

廟裏拜菩薩 門上掛鍾馗

手長袖子短 頭大肚兒空

挑水打濕脚 惹火來燒身

頭上三絞火 肚裏一包糠

說話無皮臉 起眼動眉毛

眼睛裏出火 脚板下搯油

無風話成雨 燒火不出烟

拆城隍修土地 對和尚罵禿驢

虱婆頭上搯血 猴兒臉邊生毛

烏龜背上脫殼 老虎面前捋鬚

急開眼睛緩開口 扯起眉毛捋起鬚

開口便教三娘子 翻身不見二相公

裝香打倒佛菩薩 過屋遺落祖太婆

無事不登三寶殿 算命遺落百通經

改過門樓換過向 橫了被窩扛了牀

清官難斷家下事 好漢不吃眼前虧

打倒金剛拉倒佛 娶了老婆賣了娘

莧菜地上藏老虎 蕎麥田裏捉烏龜

求官不到秀才在 有錢難買子孫賢

養鴿毋如放鴿好 呼蛇容易遣蛇難

沒生兒子安名字 自己老婆打奸情

門風總要躺得住 家醜不可外邊傳

頭上搯得三卷稈 脚下踏着兩邊船

好漢難打二面鼓 光棍剝到一番皮

過着橋去抽落板 修得庵來老了僧

閨女肚裏有了崽 屠夫手下走去猪

撥出菩薩來拜廟 初娶老婆暴作凶

蕎麥田裏難躲雨 白菓樹背好當風

老鼠上街叫人來打 鱷魚下鍋除死方

休

嫁豬跟豬嫁狗跟狗 射馬話馬射牛話

牛

鹽罐裏生蛆背時晦氣 肉包子打狗有

去無來

脫赤脚打毬子窮得快活 穿石板上棺

材死也好高

門角裏扁擔側起來看 壁頭上算盤吊

着去敲

鴨婆背上潑把水即步就乾 猿兒手裏

檢塊薑放下可惜

奉新劉百容集諺

人情不熟 客氣太多

客不送客 親上加親

十月滿足 一年到頭

名利兩得 富貴雙全

同胞兄弟 結髮夫妻

上床是夫妻下床是君子 在家靠父母

出家靠主人

重遠集溫語

蹩脚 滑頭 掬客 流氓

尋開心 扳差頭 吃耳光 扳面孔

曲辮子 盪眉頭 搗白相 挑紅人

壽頭礮 蹩脚姑娘 瞎三話四 抗

古今聯語彙選三集 諺語

五

七打八

海陵養拙集諺

臨時抱佛脚 過後顯人心

船頭上跑馬 門縫裏看人

抓盡骨頭還嫌癢 好了瘡疤忘記疼

外岸不知裏岸事 這山望了那山高

只比死人多口氣 猶如活畜少身毛

三日肩頭四日脚 五花腸子六花心

死棋肚裏有仙著 強將手下無弱兵

今朝有酒今朝醉 一人惹禍一人當

板板做成六十四 眞眞出了么二三

一家飽暖千家怨 十人轎子九人擡

清官難斷家務事 好女不穿嫁時衣

老爺不壞 老爺教 惡人自有惡人磨

秀才能知天下事 光棍不喫眼前虧

小媳難炊無米粥 老娘不是省油燈

陰地不如心地好 家花沒有野花香

今日不知明日事 寅月喫了卯月糧

生成皮毛長成骨 賣慣私鹽賭慣錢

好打官司一頭睡 會做媒人兩下瞞

哭臉裝成笑臉過 死馬當作活馬醫

家賊難防狗不咬 好漢只怕病來磨

陳用常集諺

咬耳朵 嚼舌根

兜天袋 鮓人坑

繫籬咒 鬆活錢



風吹草動 水漲船高

拿輕怕重 走東說西

說些咬舌話 挖了護心油

手長衣袖短 家貧鄰里富

見眼劈楔楔 隨口打哇哇

睜着眼睛亂說 豎起髮辮立行

有錢不打渾酒喫 光棍只得有理刀

檢到封皮當告示 蒙著鼻子哄眼睛

氣死猴子憂死狗 贏了貓兒賣了牛

一錢逼死英雄漢 風寒端打下虛人

雞肚那知鴨肚事 家花不及野花香

河內撈魚河內長 溝裏沒身溝裏埋

一鍋費柴二鍋費米 五斤水退小河水

消

十說客不及一破客 前頭人嚇怕後來人

黑衙門都是些瞎眼狗 青石板慣出的

悶頭蛇

不圖鍋粑喫那肯竈後轉 哄得愚人過

難免識者彈

陳渠初集諺

搨瘦勁 打乾幫

惡手段 鞞眼皮

得一望二 重三把四

喫寡燒酒 得混來財

放陰 喫冷淡盃

貨高招遠客 酒醉道真情

是個蜂兒豆 嘗點辣子湯

三張紙糊個人頭 一個錢逼死英雄

明人弗做暗事 有眼不識泰山

打開窗子說亮話 掀起鐵籬儘狗鑽

喫了五穀想六穀 相與前人照後人

好兒不喫分家飯 醜媳終有見婆時

有鹽同鹽無鹽同淡 小時偷針大時偷

金

顧晚仙先生才高運蹇以青衿老遂狂狂避世生

平所撰聯語名曰博笑新編今擇其尤者若干

則如下聯云

人情世故 天理良心

功名功名文章好 產業多時品望高

春荒處處雪花菜 兩足家家天水茶

無錢偏到花錢客 有事難陪沒事人

小贏着是大輸着 眞外行偏假在行

眼睛不醫不瞎 謝儀越要越多

只圖與你無干推死人過界 那裏顧他

不肯要烏龜上山

崇明徐伯廣集諺

倒竈 場臺

做春夢 打秋風

踏後影 掬頭陣

撒爛汗 尋開心

小把戲 老好人

很脚色 老面皮

赤腿漢 黃脚郎

忘八蛋 殺千刀

殺底貨 捎夾頁

手忙脚亂 目定口呆

皮出肉出 衣光帽光

三長兩短 七高八低

上三下四 橫七豎八

推車撞壁 立馬待橋

出色小夥子 空心大老官

獾獠顛筋斗 獅子滾繡毬

大懶差小懶 釘頭碰鐵頭

老賊偷亮月 小鬼跌<sub>地</sub>蹄

古今聯語彙選三集 諺語

推死人過界 趕老虎上山

鍾馗嚇小鬼 強盜發輓心

右手弗託左手 上場搬到下場

大勿當心小勿管 一個落水兩個寒

東手拏來西手去 上風走過下風香

敬酒弗喫喫罰酒 好人勿做做惡人

鹿鳴軒主集諺

竹根頭鬚子 蟹殼裏仙人

枇哩扒拉砢 齊格隆冬鏘

東造葫蘆西造瓢 橫切蘿蔔豎切菜

斧頭劈去梨花白 竹杠敲來薺菜青

某子集諺

命長<sub>界</sub>貴 膽大做將軍

一德二命三風水 七零八穀九牛羊

樹葉打頭生怕事 棺材伸手死要錢

莫向聾人說白話 要知啞子喫黃連

井水不干河水事 南山望到北山高

光棍偏爭無禮訟 臘鬚愛帶滿頭花

半升米價無須急 四兩棉花不必彈

勉得開口當狗叫 何妨順手把羊牽

生怕撞見江北老 偏巧又遇天津人

存貨不知銷何路 明朝又要過新年

嘴多硬語心多軟 水望低流人望高

多情眼裏出西子 有禮堂前打太公

秀才能知天下事 英雄不喫眼前虧

破衲仍教和尚補 大門不用婦人關

三寸深似海 一重皮肉隔如山

到什處地方說什麼話 做一日和尚撞

一日鐘

打腫面裝胖子敷衍門面 指禿頭罵和

尙刻薄嘴唇

一兩天的小頑意兒要人購 三十晚上

糊銀錠子替鬼忙

既愛財休愛臉銀子是白的眼子是黑的

祇顧嘴不顧身東倒喫豬頭西倒喫羊

頭

雜綴

楊椒山楹帖

則學孔子也 無若宋人然

祝以爾楹帖

自拋官後睡常足 不讀書來老更閑

陳元素楹帖

人前屋漏 日裏雞鳴

又

誤攻文字身空老 起販魚鹽計已遲

李贊楹帖

少作書生未見升堂入室 老爲廟祝粗

知掃地焚香

米鴻謨楹帖

古今聯語彙選三集 雜綴

泮水樂饑讀天下書不談天下之事 康

莊擊壤生聖人世願爲聖人之氓

鄧以讚楹帖

得意嘗自笑 無音使誰知

鄭伸楹帖

世多君子扶皇極 天放閑人養太和

鄭元標楹帖

居深山之中隨俗所使 生聖人之世與

天者游

八大山人楹帖

祿以天下弗顧也 取諸宮中而用之

高士山楹帖

黍秋多佳日 西北有高樓

文徵明楹帖

歸晚不嫌裳薄 飛觴猶試歌新

新羅山人楹帖

古月有新姿 太空無宿雲

李復堂楹帖

砥行碧山石 結交青松枝

朱彝尊楹帖

汲古得修綆 開琴弄清絃

厲樊榭楹帖

相見亦無事 不來忽憶君

鄧石如楹帖

海爲龍世界 天是鶴家鄉

陳曼生楹帖

樂廣樓披霧 周瑜勝飲醇

又

爭先石鼎搜聯句 薄怒銀鐙算劫碁

曾文正楹帖

良田無晚歲 大廈須異材

趙爲叔楹帖

卽事已可說 賞心能自怡

又

出宰山水縣未能免俗 讀書松桂林庶

幾得閒

又

荒山野水破茆屋 商盤夏鼎周尊彝

包慎伯楹帖

種瓜得瓜種豆得豆 呼馬爲馬呼牛爲牛

鄭板橋楹帖

墨蘭數枝宣德紙 苦茗一杯成化窰

又

霜熟稻梁肥幾村豐樂社 燈紅樓閣迥

一片讀書聲

又

東雲歸硯匣 催月上琴臺

又

搜詩出石縫 裁夢入花心

湯雨生楹帖

興來桀作桀珠碧 竄<sup>新</sup>奇字伴史倉

古今聯語彙選三集 雜綴

何子貞楹帖

門前種柳深成巷 野谷流泉暗入池

又

遠樹碧消秋日蚤 隔邨香送稻花肥

左文襄楹帖

更著好風墮佳句 盡收春色入雕欄

王夢樓楹帖

左壁觀<sup>新</sup>右壁觀史 西澗種柳東澗種

松

翁松禪楹帖

人影在地 洞庭始波

吳<sup>新</sup>碩楹帖

師遺<sup>新</sup>於 月散三邊

又

甘菊臧爲枕 寒煤畫作屏

吳芝瑛楹帖

垂楊接路何深邃 長松抽幹大幽期

又

夜靜星河出 堂虛絃管清

張耆庵雜聯

廩人繼粟庖人繼肉 鯁祝在後饒祝在

前

意之所忽過從此長 衆有同欲功不可

居

一年種穀十年種木 百萬買宅千萬買

鄰

太虛爲室明月爲燭 鍾山之英草堂之

靈

或不至虛生於世 當可以有爲之時

古學已行秦博士 曠懷偏接魯諸生

相知當不在形迹 修己豈可殊始終

菩薩觀瀾無所住 佛說不求得福多

靜觀於古時生感 有激之言或不情

二頃良田不難買 一菴風雨且相留

手提仙人綠玉杖 口誦太古滄浪篇

採藥會須逢薊子 杖藜時復過蘇端

笑指西湖作衣鉢 欲往南溪侶琴漁

卿自用卿法 吾亦愛吾廬

水月得清氣 天花散妙香



斗南一人 海東三老

如皋顧延卿錫爵雜聯

大暑去酷吏 清風來故人

起舞拂長劍 贈言鏤寶刀

有自求之福 無窮人之天

有才真富貴 無事小神仙

禮豈為吾輩設 事難與俗人言

高哉孔孟若秋月 往者堯舜真浮雲

甫也諸侯老賓客 儼然天竺古先生

風月本來無盡藏 英雄大抵是癡人

好雲當我坐時起 明月隨人行處歸

每視停雲思養氣 偶聽流水欲移情

萬影皆因明月下 一燈如寄片雲高

古今聯語彙選三集 雜綴

碧海六鼇增氣象 青天一鶴見精神

把卷本為遮眼法 攜筇便欲縱心遊

步兵飲酒三百斛 季雅買鄰千萬錢

沙暖鳧鷖晴哺子 溪深桃李臥開花

高柳簇橋初轉馬 數家臨水自成村

有蔬筍氣詩逾好 無綺羅人山更幽

樂天長短三千首 吏部文章二百年

碧雲月不吹笛 黃葉西風客倚樓

青山有約不知老 白雲與我常相依

常惺惺天靜裏著己 活潑潑地切緊為

人

好鳥不雜花欲放 明月未上細柳初

絲

無和尙氣便是聖僧 高士風乃成真

佛

李梅尹先生集聯云

萬事從來風過耳 一年幾見月當頭

又聯

花常好月常圓人常壽 車同軌書同文

行同倫

丹徒趙曾望爲門下諸生書一聯云

汝孰與回也愈 吾不如衰之文

楊了公集王晉卿歐陽永叔詞聯

海棠開後燕子來時黃昏庭院 紅粉牆

頭秋千影裏臨水人家

李淡愚集西廂鈞天樂聯云

寶鼎香濃繡簾風細綠窗人靜 雲漢功  
名琬琰香屬富貴神仙

張杏村自製楹聯云

想行路出門難但得居家便是福 除讀

書寫字外別無生計所以窮

某

將雪論交人盡熱 與梅相對我猶肥

晉少谷學士夢至古剎見一老衲趺坐丈室殊偃

蹇不爲禮壁懸有聯云

無人月欲下 有佛松不言

某君撰全平全仄聯云

日出衆鳥繞屋語 山深幽花當門開

飲酒恰好不使醉 栽花微開初聞香